

續修陝西省通志稿

第七十七册

卷一百五一至一百五二

新華書店
北京
PDS

風悲切安厝先靈歸墳闕口口孝感理於天萬代子孫昌不口

按此石昔藏渭南趙氏字跡草率安作安歸作湍聞光緒二十八年亦歸陶齋

梁守謙功德銘

存慶二年見王氏金石萃編

碑高一丈五寸七分廣五尺三分四十六行行八十八字楊承和撰并正書陸孫篆額在西安府碑林

此宦者梁守謙造經於興唐寺而護軍中尉楊承和爲銘之書之者也頌宦者功德乃謂淮蔡之功十居其七將令裴李諸公

何處生活

趙氏石墨鵝華

邠國公者內侍梁守謙也攷之唐史宦者守謙無傳惟憲宗十五年書帝暴崩于太極殿中尉梁守謙王守澄等共立太子殺吐突承瓘及澧王憚而韓文公平淮西碑亦載守謙在帝左右嘗命之撫蔡師夫守謙以一宦者而爵至上公此可見憲宗之

信任小人宜其晚節不終卒此宦者之手然則予之錄此蓋將爲天下後世之戒而非徒取其文字也

邵氏金燕琳瑯

右邠國公功德銘楊承和爲文而書之承和一閹人耳安能工於文詞且書法精妙乃爾殆當時文士游中官之門者爲之假手也守謙以元和十三年充右軍中尉至大和元年三月始致仕以王守澄代之蓋典禁軍者十年故穆宗文宗之立皆預定策功唐書宦官傳劉克明弑敬宗樞密使王守澄楊承和中尉梁守謙魏從簡與宰相裴度共迎江王發左右神策軍及六軍飛龍兵討之承和事見於史者惟此耳碑以尺晏爲尺鷁葛豢

爲芻豢皆異文

錢氏澗研堂金石文字跋尾

韓愈平淮西碑稱守謙出入左右命撫蔡師碑中云蔡人迎戎命公撫衆與之正合守謙於興唐寺寫經爲國祈福故立此頌

碑末云天水強瓊摹勒并刻字強瓊亦中人見其妻王夫人墓
銘碑額已失文獻通考唐六譯金剛經恒農楊翺集中貴人楊
承和集右軍書刻之興唐寺亦是其時所爲

畢氏關中金石記

范傳正女阿九墓誌銘

佚長慶三年

原石破碎不詳尺寸鄉貢進士范鄴述正書

誌略云皇光祿卿贈左散騎常侍順陽公次女字阿九年十六
以長慶二年十二月十九日疾終于京兆長興里明年四月十
三日窆於國之東隅白鹿原之別業案此石今未詳所在矣

新唐書列傳云范傳正字西老鄧州順陽人父恂爲戶部員外
郎與趙郡李華善有當世名傳正舉進士宏辭皆高第授集賢
殿校書郎歷歙湖蘇三州刺史有殊政進拜宣歙觀察使代還
改光祿卿卒贈左散騎常侍此誌所謂順陽公即范傳正也惟

傳中未載順陽公封爵得此可補其闕焉又傳正觀察宣歙時嘗爲李白遷葬當塗之青山又爲立碑誌墓恤其二女孫免其女孫夫家之徭役其人殆賢者也事詳傳正自撰李公新墓碑

銘中

毛氏關中金石
文字存逸

尊勝陀羅尼經幢并記

存長慶四年

原石未見不詳尺寸沙門國威述正書

光緒五年博山張竹西大令培之訪得此幢於永壽縣東南鄉好留里桃源村題云大唐京兆府好時縣鎮爲國敬造尊勝陀羅尼幢一所題名有右神策軍好時鎮遏兵馬使朝散郎檢校太子右諭德兼殿中侍御史王從矩監軍使朝議郎行內侍省內府局令員外置同正員上柱國王文幹都虞候金紫光祿大夫檢校太子詹事兼侍御史上柱國史惟畧又一行云朝議郎

權京兆府好時縣令飛騎尉鄗縣開國男蕭什等名案方輿紀要云唐武德二年分醴泉縣置好時縣屬雍州貞觀二十年改

置上宜縣旋復曰好時貞元以神策軍分屯近畿此爲好時鎮

此幢題爲好時縣鎮與方輿紀要合

毛氏關中金石文字存逸致

尊勝陀羅尼經幢

佚寶歷元年

原石未見不詳尺寸釋惟淨等造

寰宇訪碑錄云釋惟淨等爲師應澄造咸寧縣志云在馬頭空

今未詳所在矣

毛氏關中金石文字存逸致

尊勝陀羅尼經幢

存寶歷元年見王氏金石萃編

七幢高五尺一寸八分僅存四面廣各五寸共二十六行經每行七十字銘則四十七八字不等曹口口正書在終南山櫻梓谷

長安縣志作大德惠澄經幢云在櫻梓谷隋唐石刻拾遺云在

終南山後有銘并序爲湛大師之弟子頌師而作門人國珍智

藏列名者二十人 毛氏關中金石文字存逸致

張侁墓誌銘

佚文見關中金石文字存逸致
大和二年

石佚未詳尺寸虛從倣撰文韓達分書

誌略云君諱侁字侁其先北地貴強族也曾王父栖巖皇平州
刺史大父瓌皇龍崗節度邢洛觀察使邢洛生道晏皇左散騎
常侍兼御史大夫涿州刺史公卽涿州第三子公之元舅司徒
高公諱霞寓常隨族父崇文平劍南西川寇難論功第一徵拜
衛將軍尋授振武軍節度使又轉唐鄧邠寧慶等道節度使以
公孝敬忠節可口戎事而曰吾之宅相其在爾乎因推頰輔之
恩委以牙門之任歷職既久官秩屢遷以大和三年八月十一
日終于沔王府諮議參軍年四十四夫人清和崔氏有子一人
曰憲郎公之內弟右威衛將軍扶即司徒公之元子也爰悉家

財式護窀窆以其年十月廿三日窆于萬年縣崇義鄉南姚里
蓋從宜也 此石道光時出土爲涇陽縣尉吳縣姜君榮所得
今未知移徙何處矣誌言侔之大父爲龍崗節度邢洺觀察考
新唐書地理志龍崗爲邢州附郭縣又考方鎮表邢洺二州隸
昭義節度而龍崗之立節度邢洺之設觀察方鎮表均無明文
得此可補其闕高霞寓新唐書有傳誌中所載霞寓官階皆與
傳合沔王名郇憲宗子見十一宗諸子傳書志之韓遼名見宰
相世系表中

毛氏關中金石文字存逸攷

梁守謙墓誌銘

存 大和二年錄後

石方二尺八寸四十八行行四十八字雷景中撰文并正書

唐故右神策軍護軍中尉兼口口口口口口口口府儀同三司行右衛
上將軍知內侍省事上柱國邠國公食邑三千戶食實封三百戶

贈揚州大都督安定梁公墓誌銘

并序

朝請郎前試大理評事

上柱國雷景中撰并書

嶽降靈粹時生哲人運契休明光輔口

德暨入掌綸誥出平寇戎使妖氛廓清建功業廣大者安定梁公也丁公諱守謙字虛己姓標令族代不乏賢擢居元臣班列獨步曾祖晟皇任左清道率府長史祖希倩皇任寧遠將軍翊衛中郎將父庭皇高道不仕咸以大口口修令名隱居莅官皆陰德濟物立慶不泯素風霽然公則嗣其後也爰自弱冠節行孤高起登內朝便處要地貞元末解褐授徵事郎內府局令充學士院使公藝業精通器宇沈邃性不苟合發言成規元和初進階宣義郎遷掖庭局令監琳瓊杞梓之士賜銀章朱紱之寵依前院使憲宗以文明御宇知翰苑勤勞四年加朝議大夫拜內常侍錫金紫之命授正議大夫惣樞密之任自統握大柄謀猷日新方隅乂安兇醜屢

滅綱紀中外弼諧聖明至公無私環海清謐十一年丁內艱茹毒
銜哀泣血過制以其內相權重奪情起復授忠武將軍知省事公
識度寬明機智深遠潔白廉退口之古人其年冬詔徵天下之師
討淮蔡之師監統之選不易其人藉公良籌膺此殊任進階加雲
麾將軍充行營招討都督時關外之事委公裁之威肅令嚴將校
知禁明年夏五月拔鄴城降叛卒賊勢既挫皇威益張撲滅可期
詔命口闕口秉機務再口盛朝冬十月蔡之元兇果就擒獲俘馘
上獻氛埃蕩銷此時天兵猶未卸甲公又銜命暨統師口甄叙戰
功勸賞在手駟駒所至道路風生殘孽餘兇皆感恩宥復命十三
年加冠軍大將軍遷右監門衛上將軍尋拜口口口軍護軍中尉
朝望益重勳庸轉高厚德深仁天下欽服公素蘊宏略初權禁戎
恩信不虧進獻無闕十五年拜特進列戟朱門渥澤逾盛絲是實

其府庫精以戈甲警巡撫禦靡不親躬十五年遷驃騎大將軍兼右武衛上將軍時皇帝昇遐宗社未定公首冊儲貳肅清宮闈又加寵命長慶元年封安定郡開國公冬十月西戎犯邊詔下左右神策兼京西諸道兵馬討焉拜公爲監統乃精選良將訓練銳師犬戎畏威惴懾奔北二年封邠國公食邑三千戶四年拜開府儀同三司兼右衛上將軍公捧日從龍偏承聖旨儉德守道家無餘財竭俸傾心修建功德不以壽終爲諱於大塋側創置先修栽植松楸樹立碑記君子謂之達觀也洎敬宗嗣位夏四月小孽猖狂凌犯帝座公卽日掃蕩以靜皇居忠憤昭彰勳績廣茂二年冬彗起蕭牆禍生宮掖潛龍未震神器不安公引兵誅夷旋定社稷功高前列位冠內庭加實封三百戶大和元年春公朝對之暇嘗謂朋從曰夫寵辱若驚功成身退苟順天心必全其真因迴止足之

心頓起滿盈之誠願保冲素不顧浮榮遂陳表章懇讓權位皇帝
嘉歎累答天書褒德贊功三請未許公尋進車馬服用便與將校
言別一軍號慟聲徹九重臥轍攀轅如喪父母蓋恩信慈惠感人
之深故也明日將赴朝謁披露血誠冒觸宸嚴固乞休退上引其
帶礪之誓念以翼輔之功省表獻歛難輟斯任公再陳哀迫方遂
深衷君臣銜悲相顧流涕聖心重惜如失股肱此日勅又令班列
大臣咸送到私第歸休之盛千載一時公歷侍六朝每立殊績名
位雖退恩榮不渝翌日拜右衛上將軍致仕特加全祿賜錢帛粟
麥寵命優崇榮耀里閭光載史冊追二疏之遐躅慕陸賈之高名
優遊林泉多在別墅前後賜御藥寶器凡九降天使恩亦至矣豈
料天不福善忽罹于殃以其年冬月廿日暴薨于永昌里之私第
享年四十有九嗚呼帝道克昌元臣遽沒乾綱載定一柱俄傾天

子輟朝郡人罷市追懷痛惜倚賴無期追贈揚州大都督寵其逝也賚布帛之外別賜錢一百萬以備齋七之給夫人南陽韓氏以令淑溫和配合琴瑟婦道豈睦母儀肅嚴早受恩榮封號冀國每起撤帷之慟猶懷舉案之儀痛切崩城追攀不及令子五人長曰承敏任朝散大夫掖庭局令賜緋魚袋次曰承度任朝議大夫宮闈局令賜緋魚袋充沂海監軍仲曰承乂任朝議郎內府局丞仲曰承汶賜緋魚袋幼曰承政賜綠皆玉潤貞姿博通群藝志孝雙美聲華並馳不墜清風克奉嚴訓自丁艱疊號哭無時雖執三年之喪竟佩終身之感有女二人長適太原郭氏親弟一人曰守志任原王府司馬兼侍御史恭而且悌禮義修身揮涕躑哀同護喪葬大和二年二月二十三日龜筮叶吉將窆于京兆府萬年縣李姚村白鹿原先修塋禮也鹵簿儀仗所司備供感春色無光路人

掩泣送終之節亦冠絕當時嗣子以景中久踐門闌粗諳事實恐
陵夷谷變因命爲文輒課虛懷無慚直筆銘曰 嶽瀆降靈賢人
誕生孤標令德翊戴文明少負公才早登翰苑鯤鬐雖化驥足未
展密近旒宸從容掖垣偏承睿渥獨掌綸音始佩銀章旋紆紫綬
秉持樞要匡建在手帝命監統籌能濟時鄗城將拔遽滅淮夷出
仗皇威入權禁旅恩霑品物義振區宇位極開府功高護軍底寧
宮闕掃蕩妖氛祇事六朝策名二紀道齊德喪榮保終始每味玄
寂常嗟俗塵崇修梵宇廣樹良因寵辱若驚動庸不恃朝車請退
賢路求避屢獻章表懇辭官榮泣離丹陛悲動皇情旣遂休閑隱
居別墅優遊泉石纔變寒暑天意不憖禍殲忠良俄然遘疾奄爾
薨亡天子輟朝股肱如失大厦棟傾巨川舟沒痛結親愛哀纏里
閭風悲總帳日慘轎車鬱鬱佳城蕭蕭寒柏萬古千秋紀在貞石

按梁守謙一刑餘之人耳其生也開府儀同三司邢國公食邑三千戶其卒也九降天使輟朝罷市賜錢一百萬前之功德碑後之墓誌銘鋪張揚厲其助幾與房杜相埒積習相沿欲不受制於家奴其可得乎此石近時出土見藏長安段氏

西平郡主李晟碑

存 大和三文見王氏金石萃編

碑連額高一丈四尺二寸廣五尺八寸三十四行行六十一字表度撰文柳公權正書并篆額在高陵縣本祠

右唐李晟碑裴度撰碑載西平子十二人願聰總慙憑恕憲愨懿聽甚慙唐史宰相世系表所書亦同而新舊史列傳皆云晟有十五子舊史云侗侑皆無祿蚤世豈以侗等早世故碑不載歟又李名撰李聽碑云西平有子十六人疑有未名而卒者爾元和姓纂載西平子十人以碑校之姓纂缺聰總憑懿四人而怱應二子墓碑舊史皆無之又其倫次差謬亦當以碑爲正

道氏

金石錄

予舊未見此碑近始見之字雖剝落然一段挺拔不群之概尙可捫而得也王元美不滿晉公之文謂西平之子皆逝獨太保聽存乞文於晉公然此碑列銜云臣裴度奉勅撰予以爲奉命之作固自有體西平之功赫著人間何可過爲鋪張不爲人主地元美見不及此矣嘗見蘇子瞻著溫公碑累累數萬言卒來忌者之口溫公竟不能有其碑此千秋之炯鑒也

庚子消夏錄

碑文簡畧不及史傳敘事之詳惟云乾元初客武都值酋豪以缺守遘亂殺掠平人公與所從十數馳而射之殪其爲魁者餘黨遂遁寇所虜獲積如邱山公一無取惟椎牛醢酒享士而去邦人具狀以聞特拜左清道率則新舊史俱未之載也晟祖思恭洮州刺史父欽左金吾衛大將軍今南監本汲古閣本唐書

世系表云思恭金吾刺史欽左洮州金吾衛大將軍乃轉寫之
譌爾碑經後人重開雖間架尙存而神采頓減如裴晉公署銜
當云特進守司空今譌守爲爵俗生不通官制以臆妄改甚可
笑也

錢氏滯研堂金石文字跋尾

此近時所搨然字跡尙不甚模糊惟其間有妄人增益者如具
以狀聞聞字上本空一格今本作具以狀以聞旣無此文理而
次以字全乏端重之容與前後以字無一相同者又唐文宗年
號大和本是大小之大今本於大字內增一點作太與碑中所
有太字相較其點略小亦後人妄加也魏明帝與北魏孝文帝
年號是太和而文宗則是大和他碑版咸可據宋刻新唐書亦
然今人皆一例作太和矣安知不反據此碑以爲左證乎

抱堂文

集

相國令狐氏廟碑

大佚 和三年

全文未見 劉禹錫撰文 正書 陳錫篆額

宋張禮城南記注云出啟夏門少西北有揚場及令狐氏廟碑

毛氏關中金石
文字存逸致

尊勝陀羅尼經幢

大佚 和三年 王氏金石萃編

幢字 高六尺三寸五分八面每面廣六寸二分各五行行五十六

寰宇訪碑錄云在長安今未詳所在

毛氏關中金石
文字存逸致

吳達墓誌銘

大和四年 王氏金石萃編

石方一尺八寸九分二十三行行二十字正書蓋題大唐故
吳府君墓誌銘九字篆書列有鄉貢進士寇同而無撰書字
樣在武功縣署後歸陶齋

按誌所稱吳達及其祖偉父口冕兩唐書俱無傳誌稱達累試

洋王府長史洋王者憲宗子初名寰後改名忻始王高密進王

洋誌又云祔葬于京兆府萬年縣洪固鄉北韋村長安志洪固鄉在萬年縣南一十五里管村四十八畢中丞沅注引路巖撰渾侃神道碑有胄貴里歐陽詹撰左驍衛將軍馬實墓誌有延信里司馬村而不及此誌之北韋村可據此以補長安志之古村名也誌又云夫人萬氏捐館于前里第捐館二字本史記蘇秦傳秦陽君捐館舍云云其用之婦人則始見于此

王氏金石編

劉洪潤妻楊氏墓誌銘

大快 文見黃氏古志石華

石快不詳尺寸魏則之撰文李約行書

誌窆於鳳城西龍首鄉龍首原此誌有跋語三通一云右劉公夫人楊氏墓誌並篆蓋戊子仲秋余獲于長安書法工整石刻完全其可寶也

富山嚴

於謹識

一云道光己丑重九日鐫京吳大志觀

于啟後堂一云熾侯學博獲此石較比年新出諸唐刻特爲完

整蓋用柳葉篆碑文字畫謹飭精神團結得顏家廟筆意李公
在晚唐以詩名不知其善書如此熾侯精於鑒古寶之宜矣

庚寅

清和之月青門李口蕊安氏跋

古誌石華云此誌與其子仕備墓誌皆出

長安今未詳所在矣鳳枝案此誌字跡完好如新似懷仁聖教
序亦唐人院體書也李蕊安氏謂其似顏家廟碑似覺未諦其
謂李公在晚唐以詩名攷全唐詩小傳有李約字存博汧公勉
之子官兵部員外郎書誌之李約豈即其人歟

毛氏圖中金石文字存逸攷石

佛頂尊勝陀羅尼經幢并銘

存和六年見王氏金石萃編

幢高六尺二寸八分每面廣六寸各七行行七十四字僧叡川文无可正書在西安府百塔寺

凡經幢多書尊勝陀羅尼經余既有此癖遇必摩之而擇其佳
者錄之但其書法劉慎微僧无可書者佳餘無名姓然皆與此
匹敵者也闕中石幢無數或埋或斷或移作他用深爲可恨

趙氏

石墨
銀華

雍州金石記云在西安府城南五十里百塔寺關中金石記云
无可賈島從弟字法學柳公權鳳枝案咸陽縣有寂照和尚碑
亦无可書也

毛氏關中金石文字存逸致

佛頂尊勝陀羅尼經幢并序銘

佚
大和六年見王氏金石萃編

幢高五尺七寸八面廣六寸行書董璠爲其父叙建立

真空寺經幢

存
大和六年見王氏金石萃編

幢高七尺一寸四分八面各寬七寸三面六行五面七行字數
六十餘至百餘字不等張模述并行書在終南山

王夫人隴西李氏墓誌銘

存
大和六年見陶齋藏石記

石高一尺二寸七分廣一尺二寸六分二十三行行二十五字
劉礎撰文并正書

誌畧云夫人諱元素其先隴西人也年十九適王公有男二人
長曰從約次曰從禮有女一人早歸於礎夫人以大和六年二

續陝西通志卷一百一十一
月廿有九日終於道政里之私第享年六十六以其年五月八日歸葬於京兆府萬年縣龍首鄉成義里鳳棲原禮也 此石今藏渭南趙氏題銜稱正議大夫檢校右散騎常侍光祿卿上柱國賜紫金魚袋劉礎撰并書攷新唐書百官志右散騎常侍二人屬中書省 毛氏圖中金石文字存逸攷

按此石光緒二十八年歸於陶齋

李琮墓誌銘

佚 大和六年

石佚 未詳尺寸 昔 軫撰 文 李 璣 正 書 左 行

誌略云府君諱琮字溫中先曰隴西人也曾祖欽皇金紫光祿大夫左金吾大將軍贈太子太保祖晟皇開府儀同三司太尉並中書令贈太師父愨雲麾將軍前右龍武將軍知軍事府君未踰弱年兩覲銓選大和二年八月一日終官於朝請郎行都

水監丞雲騎尉以是年是月十五日葬於京兆府萬年縣寧安鄉杜光里 此誌本出咸寧今未詳所在琮爲西平王晟之孫右龍武將軍愨之子新唐書宰相世系表晟子有名愨官嵐州刺史者即琮父也惟表中未表琮名得此可補其闕

毛氏闕中字

存逸

唐安寺尼明空墓誌銘

大快和六年

石佚文亦未見王鑑撰

此誌之名見觀妙齋金石文考略案渭南趙氏藏有唐上都唐安寺廣惠塔銘一石出於韋曲唐安寺當在今咸寧縣境內此誌亦當出於其處故記之

毛氏闕中金石文字存逸跋

御史大夫溫口造先廟碑

大快和七年

原石久佚未詳尺寸牛僧孺撰文正書

寰宇訪碑錄云在長安今未詳所在矣

毛氏圖中金石文字存

辛幼昌墓誌銘

存太和七年陶齋藏石記

石方一尺三寸中有裂文二十一行行二十六字姑射處士陸

誌略云公諱幼昌字宏運其先隴西人曾祖父奉國開府儀同

三司豐州刺史天德軍使兼御史大夫口郡肅國公食邑三千

戶贈工部尚書烈祖榮朔方節度副使口口都知兵馬使兼御

史大夫平陽郡王食封一百五十戶父口持節通州諸軍事通

州刺史兼御史中丞公授大理寺司直以大和六年十二月廿

五日卒於平陽郡之私館口口年廿有六胤子師周仲兄幼直

等以明年三月廿七日口歸祔于萬年縣三趙村東原之大塋

禮也 此石今藏渭南趙氏三趙村今名三兆社隸咸陽縣之

東南鄉距西安府城十五里撰文之人名審案審即審字列子

殷湯篇荷擔者三夫叩石墾壤箕畚運於渤海之尾釋文云畚

音本是當與畚字同意

毛氏關中金石文字存逸攷

按此石於光緒二十八年歸於陶齋

詔空和尚塔銘

存 大和七年 陸氏金石續編

石高一尺四寸廣二尺一寸三十一行行二十一字王申伯撰
文田復正書在咸甯縣杜城關帝廟

按詔空和尚塔銘王申伯撰田復書申伯結銜正議大夫正四
品上文散官祕書監從三品職事官上柱國正二品勳官瑯琊
縣開國公從二品爵唐書宰相世系表瑯琊王氏有申伯不著
官爵可據此補之詔空之詔同辨玉篇俗辯字興唐寺本名罔
極寺唐神龍元年太平公主爲則天皇后建開元二十六年改
名興唐見通鑑注及本寺碑記

陸氏金石續編

杜行方墓誌銘

存 大和七年 陸氏金石續編

石方二尺一寸五分二十四行行二十四字姚弟鄭澣撰文杜
述甫正書在咸寧縣

宰相世系表襄陽杜氏有元志考功郎中杭州刺史其子參謨
陝州司倉參軍卽行方之曾祖及祖也表載參謨三子寅淪嶠
淪水部郎中澧州刺史卽行方之父誤倫爲淪行方及其五子
之名皆表所未及撰文之鄭澣乃德宗時宰相鄭餘慶之子大
和七年十一月爲癸丑朔葬日以甲寅月之二日也

黃氏古誌
石華

杜行方瞿氏作行力所得拓本未攜至湘無由較其孰是

陸增祥志

李惠經幢

大存和七年

純高四尺六寸八面面各五寸五分六行行字無致正書在麟
遊縣

麟遊縣新志云在縣西福昌院一名天台寺題云九成宮內飛

龍隴西李惠造

毛氏關中金石文字存逸致

僧法惠尊勝陀羅尼經幢

大存和七年見王氏金石萃編

字數已斷僅存五尺八面每面廣六寸四分或四寸六分各七行

崔蕃墓誌銘

佚存大和七年文見黃氏古誌石華

石佚未詳尺寸趙博齊撰文正書

誌云葬於京兆口口縣寧安鄉案此石今未詳所在矣大理司

直辛幼昌墓誌眭審撰自題姑射處士此誌趙博齊自題嵩陽

隱士皆以別號入銜者亦金石之一例也

毛氏關中金石文字存逸致

尊勝陀羅尼經幢

存大和八年文見王氏金石萃編

幢下斷高四尺九寸八面每面廣六寸五分各七行字數無考正書在同官縣

朱夫人趙氏墓誌銘

佚存大和八年

石佚全文未見崔鐸撰文行書

志略云夫人趙氏其先天水人歸于朱氏大和八年四月十六日終於長安輔興里之私第享年七十有五先府君元和七年

即世權窆於京兆長安縣龍門鄉石井村今以其年十一月十四日改卜新阡重安窀窆于承平鄉大嚴村合祔禮也嗣子朝政宮闈局令充閣門使兩女長適濮陽吳氏先夫人二歲而卒次適彭城郡劉氏 此石本出長安今久佚矣

毛氏關中金石文存逸致

劉釜墓誌銘

佚文見陸氏金石錄編大和八年

照裝本錄文尺寸行字不計景炎撰文正書在長安縣

近人尺牘稱仁兄哲弟又俗謂婦翁爲泰山觀此誌則自唐人已然不獨丈人峯之說見於宋人載記矣石紐農禹事也上缺三字不知何以牽合及此標題處墓誌作墓志中室又泣血當是室女之譌

黃氏古誌石華

楊迴墓誌銘

存和八年見陶齋藏石記

石高一尺七寸五分廣一尺七寸七分二十六行行二十五字

買文度撰文弟道正書

誌畧云公諱迴字居然其先宏農人也曾大父元珪任銀青光祿大夫守工部尙書贈太子少保大父錡任銀青光祿大夫守衛尉卿駙馬都尉尙萬春公主贈太常卿父錡任中散大夫守光祿卿尙宜口縣主世秉懿德姻襲金枝初任文敬太子廟令次任左監門衛胄曹參軍次任左威衛胄曹參軍次任河中府河東縣尉次任太府寺主簿府君有子二人長子曰宏次子曰口訓以義方時人稱公善誘教何期口不福善以大和七年十月十七日寢疾終于延康里之私第享年五十有二夫人秀容縣主十一月十日不勝其哀薨于靈側春秋二十有六後公廿三日而歿以歲次甲寅八月己卯朔廿四日壬寅遷公及夫人靈座合安厝於萬年縣高平鄉高望里祔先塋之禮也 此石今藏渭南趙氏元珪等官爵均詳新唐書宰相世系表惟表言

錡官太僕卿誌作衛尉卿自當從誌爲正距之官爵表中未載
得此可補其缺迴之夫人秀容縣主自迴卒後不勝其哀薨于
靈側可謂烈婦矣惟修史之例自公主而外均不列傳賴此石
流傳夫人義烈得以復顯於世誌石下方爲土花所蝕文多缺
略獨夫人殉夫事字畫完好豈鬼神亦有闡幽之心而爲之呵
護耶誌言迴葬於高平鄉高望里案高望里當由高望堆得名
潘岳西征賦憑高望之陽隈文選注引長安圖云高望堆延興
門南八里今其地在西安府城南屬咸寧縣境萬春公主玄宗
女見新唐書公主傳

毛氏關中金石文字存逸攷

按此石於光緒二十八年歸於陶齋

裴澣夫人杜氏墓誌銘

大和九年

誌畧云夫人京兆杜氏七世祖封萊國公名見史籍夫人曾大父諱含章任左千牛累贈鄭州刺史大父諱綰任京兆府司錄累贈尚書左僕射父諱黃裳任檢校司空同中書門下平章事兼河中晉絳慈隰等州節度使累贈太尉夫人天錫明敏笄年適河東裴潛生子九人長曰柄次及女等皆稚子夫人享年卅七大和乙卯歲歿於崇賢里僦宅以其年十月廿九日權窆萬年縣寧安鄉杜光里 此誌本出咸寧今未詳所在矣誌云夫人七世祖封萊國公謂杜如晦也夫人爲杜黃裳女黃裳爲唐時名宰相唐書有傳

毛氏關中金石文字存逸攷

杜夫人李氏墓誌銘

存 大和九年 文見陶齋藏石記

石方一尺四寸四分二十一行行二十一字李遇撰文正書

誌畧云夫人姓李氏隴西人也其先伯陽之後父諱承顏奉天

定難功臣天威將軍夫人生稟秀異溫柔內和及玉笄耀首嬪
于杜公不尙鉛華之飭曾無出櫺之言唯善是修頗精內典以
大和九年二月九日寢疾終于輔興里之私室享齡七十遂以
其年四月十日窆于長安縣龍首鄉故金夫之塋側離而祔之
從魯禮也嗣子文章左清道率府職云云 按此石書法撩草
以言作之歸作踣破體已甚且威欽壞之字不能成文殊不足
觀

落星石記

大存和 文見王氏金石萃編

記二段一段七行行九字長城陳元錫記一段四行行十一字
元至正疏翰米克明記均正書在興平縣署

右刻在唐大和中陳元錫題名之後石卽晉昇平元年所隕者
也詳見元錫記及晉書本在縣東北田間克明昇之縣署因有

此題

舉氏關中金石記

石刻十二經并五經文字九經字樣

開成二年

共一百一十四石各端一畝或二畝三畝四畝五畝六畝七畝八畝九畝十畝十一畝十二畝十三畝十四畝十五畝十六畝十七畝十八畝十九畝二十畝二十一畝二十二畝二十三畝二十四畝二十五畝二十六畝二十七畝二十八畝二十九畝三十畝三十一畝三十二畝三十三畝三十四畝三十五畝三十六畝三十七畝三十八畝三十九畝四十畝四十一畝四十二畝四十三畝四十四畝四十五畝四十六畝四十七畝四十八畝四十九畝五十畝五十一畝五十二畝五十三畝五十四畝五十五畝五十六畝五十七畝五十八畝五十九畝六十畝六十一畝六十二畝六十三畝六十四畝六十五畝六十六畝六十七畝六十八畝六十九畝七十畝七十一畝七十二畝七十三畝七十四畝七十五畝七十六畝七十七畝七十八畝七十九畝八十畝八十一畝八十二畝八十三畝八十四畝八十五畝八十六畝八十七畝八十八畝八十九畝九十畝九十一畝九十二畝九十三畝九十四畝九十五畝九十六畝九十七畝九十八畝九十九畝一百畝

周易九卷

至四十一行九字十分書餘均正書亦不在西安府碑林大字分書

尚書十三卷

一卷弼注上經石下起經訖六卷韓康伯注二繫辭四卦三卷又弼畧例

毛詩廿卷

孔氏傳并序自九石後段起訖十九石之半凡二萬七千一百三十四字

周禮十一卷

鄭氏箋自十九石後段起訖三十四石之強半凡四萬八百四十八字

儀禮十七卷

鄭氏注自三十四石後半起訖五十二石之半凡四萬九千五百一十六字

鄭氏注自五十二石後假起訖七十二石之半凡五萬七千一百一十一字

禮記廿卷

鄭氏注月令一卷李林甫等註序又御製定禮記月令表自

字四

五經文字

張參序例上中下三卷自旁注不計後半起訖百十三石之少

新加九經字樣

唐玄度序一卷自百一十三石後東廊旁注不計四石兩面合計共

春秋左氏傳卅卷

杜氏集解並兩序自百五十五石起訖百八十二石之少半凡一

春秋公羊傳十二卷

何休學并序自百八十八石後假起訖百九十八石之強半凡

春秋穀梁傳十二卷

范甯集解并序自八百九十八石之後段起訖二百十四石之強

孝經一卷

玄宗御注并序自二百三十四石之後半起訖二百十五石之強

論語十卷

何晏集解並序自二百九十五石之後半起訖二百二十二石之

爾雅三卷

郭璞注并序自二百九十二石之後半起訖二百二十六石之

後半石書九字經并書一經行論開成二年月次於亥計六十五萬二千

書石學生三艾居

第二十七石前字下方則書石勘官段兼校專知都勘看書上石

檢校刊勒上方石章子師監道揚進呈敬之部檢校官鄭氏金全績每殘一

不完約十二行下方則明五寸思

第二不能辨認下半升左思明氏觀自得四陰全屬後人題字漫

總孟子一書唐前未列學三官故石經闕生員許崇業等集石經字

摹勒於石其石刻十七面另立碑式圓偏小方跌較石經小三分

汲郡呂公龍圖領漕陝右之日持適承乏雍學一日謁公公喟

然謂持曰京兆闐闐間有唐國子監存焉其間石經乃開成中

鐫刻唐史載文宗時太學勒石經而鄭覃與周墀等校定九經

文字上石及覃以宰相兼祭酒於是進石壁九經一百六十卷

即今之石經是已舊在務本坊自天祐中韓建築新城而六經

石本委棄於野至朱梁時劉鄩守長安有幕吏尹玉羽者白鄩

請輦入城鄩方備敵軍之侵軼謂此非急務玉羽給之曰一旦

敵兵臨城碎爲矢石亦足以助賊爲虐鄩然之乃遷置於此即

唐尙書省之西隅也地雜民居其處窪下霖潦衝注隨立輒仆埋沒腐壞歲久折缺殆非所以尊經而重道予欲徙置於學府之北隴子且倅圖來視厥旣視圖則命徒役其器用平其溝塹而基之築其浮處而實之凡石刻之偃者仆者悉輦置於其地洗剔塵土補錮殘缺分爲東西次比而陳列焉明皇注孝經及建學碑則立於中央顏褚歐陽徐柳之書下迨偏旁字源之類則分布於庭之左右俄而如登道山如入東序河圖洛書大璧琬琰爛然在目而應接或不暇矣先是有興平僧誕妄惑衆取索無厭大尹劉公希道沒入其貲有欲請於朝以備慈恩浮屠者公卽建言崇飾塔廟非古而興建學校爲急朝廷乃以五百千畀之不費於公不役於民經始於元祐二年初秋盡孟冬而落成門序旁敞雙亭中峙廊廡回環不崇不庠誠故都之壯觀

翰墨之淵藪也學者暇日於此游息得之於目而會之以心固
已有超然遠詣之意豈曰小補之哉竊惟六經天人之道備聖
人所以遺天下來世之意盡在於是自周末至隋千餘載之間
已遭五厄汗簡以載或焚或脫縑楮魚蠹易腐易裂道雖無窮
而器則有敝惟鑄之金石庶可以久有唐之君相知物之終始
而憂百世之慮深故石經之立殆以此也然以洛陽蔡邕石經
四十六碑觀之其始立也觀視摹寫者車乘日千餘輛填塞街
陌可謂盛矣及范蔚宗所見其存者纔十有二枚餘皆毀壞磨
滅然後知不得其人以護持雖金石之固亦難必其可久此呂
公所以爲有功於聖人之經而不可不書也然持書此者豈特
紀其歲月而已哉將使後之君子知古人之用心而不廢前功

庶斯文之有寄云爾元祐五年九月

黎持新移石經記

按六朝以前用分隸今石經皆正書且多用歐虞書法知其爲唐人書矣禮記首月令尊明皇純字諱尊憲宗又知其非天寶以前人書矣然則今西安府學石經乃唐文宗時石經也嘉靖乙卯地震石經倒損西安府學生員王堯惠等按舊文集其缺字別刻小石立于碑旁以便摹補又按唐書謂文宗朝石經違棄師法不足觀然其用筆雖出衆人不離歐虞褚薛法恐非今人所及惟王堯惠等補字大爲紕繆今華下東生文豸家有乙卯以前搨本庶幾稱善焉

趙氏石經集

右唐國子學石刻六經開成二年鄭覃勘定勒石本也新唐書載覃奏起居郎集賢殿學士周墀等四人校定又册府元龜載文宗命率更令韓泉充詳定官而題名於石者有四門館明經艾居晦陳玠等並覃共十人顧國史所記者題名不書題名書

經陝西通志卷一百五十一
者國史亦不紀不可解也石經文劉昫譏其字乖師法然終勝
今監本坊本儲藏家不可不以此插架焉

朱氏曜書亭集

右國子學石經舊唐書譏其字體乖師法近儒岷山顧氏尤譏
之予於癸巳歲取石本校勘再三乃知此經自開成初刻以後
幾經後人之手乾符修改一也後梁補闕二也又有旁注字大
約北宋人所作三也若明人補刻闕字則別爲一石不與本文
相淆而世俗裝潢者欲經文完具乃取明刻剪割聯綴之遂不
復別識顧氏所舉石經之失大半出於明刻而援爲口實不知
其爲裝潢本所誤也若旁注之字惟易書詩春秋論語有之其
尤戾於古者如易觀卦彖添日月不過四字書封比干墓式商
容閭墓上閭上俱添之字詩從夏南南下添姬字上入執宮功
執下添于字錫山土田錫下添之字山下添川字田下添附庸

二字歲其有有下添年字詒孫子詒下添厥字春秋姜與子犯
謀下添飲之酒三字旅弓矢千弓下添十旅二字奸絕我好我
下添同字則是康公絕我好也公下添弃字我下添同字童子
言焉子下添何字余狐裘而羔袖余下添猶字若不能猶有鬼
神能下添掩字叔虎之母美而不使使下添視寢二字是將行
而歸爲子祀行下添乎字其四國當之之下添六物之占四字
今子少不颺少下添貞字而告于知氏氏下添范氏二字二子
之不欲戰也宜宜下添哉字多陵人者皆不在在下添矣字皆
淺陋非唐刻之舊或謂晁公武據孟蜀石經增入非也公武撰
石經考異在乾道庚寅帥蜀之日其時長安已非宋地公武何
從增改之且公武所舉經文不同者三百二科十二經皆有之
而石刻旁注祇有易書詩春秋論語其非公武所作審矣惟春

秋六物之占一條與公武所舉適合然孟蜀石本經文卽用開成舊本公武作攷異乃以長興國學板本校勘得之而又自言石經固脫錯監本亦難盡從則公武亦非專信監本也予故謂旁添之字必是北宋人依監本增改然監本出於田敏敏經學疏淺又在唐玄度之下固難深信矣太平御覽所引經文間與旁添之文相合亦即據當時監本非別有古本也朱梁所刻惟儀禮左氏穀梁三經間有數段蓋經韓建築城委棄之後輦來城中偶有損失而任意補之非奉朝命故字法醜劣亦無師承所謂自郃以下無譏者矣乾符修改與初刻本互有得失當分別觀之夫今人得宋槧本尙知貴而愛之此經刻於唐世同時儒者譏其蕪累固所不免越今已及千年世間不復見有唐本而此石巋然獨存乃以繆戾譏之甚矣其惑也 周易十卷與

今本異有君子以哀多益寡哀作褻力小而任重小作少雜卦
姤遇也姤作遘攷說文無哀字鄭荀諸家易作掇取也褻从衣
从采采與孚通則褻亦與掇通矣力少而任重章懷注後漢書
亦引之今本改作小則與知小句重出姤字說文亦不載古文
易作遘而鄭氏從之王輔嗣改就俗體獨此一字未改此古文
之僅存者石經勝于今本正在此等而顧氏皆以爲誤蓋古學
之不講久矣略例云筌者所以在魚得魚而忘筌筌字初刻从
艸後改从竹按說文無筌字筌蹄之語出莊子外物篇崔誤注
筌香艸可以餌魚則從艸者爲正後人不知而妄易之 尙書
十三卷第三第四第五第十一字畫似經重刻秦誓予有亂十
人亂下旁添臣字春秋襄廿八年武王有亂十人昭廿四年余
有亂十人論語予有亂十人俱有旁添臣字陸元朗論語釋文

云本或作亂臣十人者非邢昺始據誤本增入臣字故劉原父有子無臣母之疑唐以前無此說也予謂石刻本增加字皆北宋人所作觀於此益信說文獻訓飽厭訓管經典多借厭爲馱飽字此經萬年馱于乃德爾雅豫射馱也皆從正體此亦石經勝于今本之一證 毛詩二十卷詩十篇爲什惟二雅周頌爲然若魯頌止四篇商頌止五篇不能成什故但云駟詁訓傳那詁訓傳相臺岳氏本與石經同今本稱駟之什那之什者誤矣予尾脩脩作脩脩脩有蕭音故中谷有菴篇與獻叶宋高宗御書石經亦作脩說文本無脩字也賈用不售初刻作讐不遐有害初刻作瑕如彼遡風初刻作愬按說文無售遐二字晉人賦云愬流風而獨寫正用詩語此則後來改本不如初刻之善矣涼曰不可涼非諒此用鄭義訓諒爲信無此疆爾界作介此從

陸氏釋文顧皆亦爲誤以未深攷爾 周禮十二卷牛人軍事
共其犒牛石刻作犒攷說文無犒字小行人若國師徒則令犒
禮之注引鄭司農說犒謂犒師也春秋傳使展喜犒師服虔云
以師枯槁故饋之飲食然則犒爲犒之古文也攷工記胡之
笱注云故書笱爲笱杜子春云當爲笱笱讀爲槩按說文無笱
字石刻上半雖殘缺下半从句不从可其爲笱無疑笱與笱字
形相似讀笱爲槩聲尤相近也至如大司樂王大食三宥宥與
侑通大宰邦甸之賦今本譌爲郊甸凡以神士者今本譌爲仕
皆當依石刻正之顧氏轉以石刻爲誤殊不可解若地官序官
一篇遂師當承遂人之下鄙師贊長鄰長當承遂大夫之下而
各自跳行中川下士六人當承川衡之下中川非官名而亦跳
行此則書石者無學劉向所譏殆爲是歟 儀禮十七卷士昏

禮燕禮二篇皆後梁重刻而燕禮篇尙存元刻五六行鄉射禮重刻者三之一聘禮重刻者大半此外皆元刻也而書法稍劣然監本毛本此經多脫文賴有石刻後人得以校補厥功亦偉矣士冠禮啐醴建柶興與士昏禮啐醴建柶興之文同今本建譌爲捷鄉飲酒禮遵者降席席東南面與鄉射禮大夫降席席東南面之文同大夫即遵者也今本脫一席字鄉射禮闈人爲燭于門外與大射之文同今本燭上多大字少牢饋食禮尸受同祭于豆祭與有司徹同祭于豆祭之文同今本受同譌爲同受此以前後篇參觀之而決其可信者也有司徹主婦洗于房中與少牢主婦洗于房中之文同今本洗下多爵字則與特性文同予謂少牢有司二篇皆有主婦贊者授爵之文則洗爲洗爵可知特性無贊者授爵一節故云洗爵此古人文字之密或

疑此有脫文者失之矣喪服大夫之妾爲庶子適人者詭番石刻爲下本有君之二字按注云君之庶子女子子也則經文當有此二字大功章云大夫之妾爲君之庶子與此文正同可證君之二字不可省今本皆無之石刻亦已磨改幾於不知而妄作矣 禮記二十卷以御刪定月令第一曲禮第二曲禮下第三檀弓第四檀弓下第五王制第六文字與今本異者以相臺岳氏本校之多相合乃知倦翁正俗之功大也曾子問祭殤不舉今本舉下有肺字按注云舉肺脊以經文但言舉故以肺脊實之且肺脊兩物如經文言肺不言脊正義亦當申明之矣岳本及衛湜集說本皆無此字其爲後人妄增無疑也喪大記子大夫公子食粥今本公子下有衆士二字蓋因上有子大夫公子衆士皆三日不食之文相涉而誤按下文士疏食飲水即衆

士也則衆士不在食粥之內矣燕辟廢其學大學人之其所親
愛而辟焉之其所賤惡而辟焉之其所畏敬而辟焉之其所哀
矜而辟焉之其所敖惰而辟焉石刻辟皆作譬蓋用鄭義岳本
皆作辟而圈去聲亦依鄭讀也緇衣章義痺惡今本義作善蓋
後人依尙書改之陸氏釋文引皇侃云義善也又云尙書作善
可證古本不爲善矣君奭曰在昔上帝岳本在昔作昔在石刻
亦作在上帝而在字上有闕文必與岳本同間傳柱楣剪屏今
本柱作拄拄俗字岳本作柱而圈上聲用陸德明音得其正矣
他如豐耗之耗作耗廢疾之廢作癢鏗鏘之鏘作鎗一个臣之
个作介皆當以石刻爲正 春秋三十卷內宣公上下俱經後
梁重刻上卷尙存元刻五六行下卷重刻者僅三之一若僖公
篇亦有數段似出後人重刻如僖六年而縛釋縛之縛皆譌爲

縛救譌爲殺與他卷全別定公篇亦似重刻越句踐之句他卷
从口此从厶是其證也然較之後梁刻本則字跡遠勝之矣顧
氏於此經所摘誤字甚多今攷之大率明人所補或係朱梁所
刻非唐本之舊隱十年宋人蔡人衛人伐戴此據陸氏釋文非
誤也文元年王使毛伯衛來賜公命經書錫傳書賜故註有謝
賜命之語非誤也宣三年晉侯伐鄭及延今本作邲說文亦以
邲爲鄭地然地名从邑多由經師增益廩延字亦無邑旁也宣
十八年凡自內虐其君曰弑今本少內字內與外相對成文似
不可省成二年且辟左右石刻且作且夢必在夜則且義爲長
昭三年少齊有寵而死今本齊作姜亦石本得之定元年榮駕
鷩今本作駕駕字說文無之依正文當用鷩假借同音則駕亦
通也哀二十六年四方其順之正義云四方諸國皆順從之是

古本作順也今本作訓乃後人依詩文妄改顧氏皆斷以爲誤
果孰誤而孰否乎若石刻之勝於今本而顧所未舉者襄二十
九年高子容與宋司徒見知伯今本高上有齊字予謂左氏義
例至精一言不可增損此傳子太叔稱鄭以經不言游吉也華
定書官不書族故稱宋以別之其餘諸卿已見于經知悼子不
書晉太叔文子不書衛高子容何獨書齊乎此後人妄加而失
其義者也昭元年趙孟曰天乎今本天作天天與亡相對故云
鮮不五稔也昭二十五年吾聞文成之世謂文公成公也史記
魯世家漢書五行志皆作文成今本作文武誤矣哀元年宿有
妃牆嬪御今本牆爲嬌說文無嬌字陸德明云嬌本又作齋或
作牆漢隸引旁字或變从广齋牆實一字也哀二十六年越梟
如舌庸二十七年越子使舌庸今本舌作后以國語證之亦當

爲舌又如皇戊向戌穿封戌沈尹戌皆从戌从一唯衛公叔戌
从戈从人板本往往混殺非得石本何由決其異同以是知石
刻之可貴也 公羊十二卷與今本亦多異同如桓二年隱賢
而桓賤也今本賤作賊據注云賤不爲諱則當爲賤也僖二十
六年乞者卑辭也今本乞下有師字據疏云乞者至若辭則不
當有師字也宣六年此非弑君如何古文如與而通當從古爲
如也成二年卻克眚魯衛之使今本眚作眚說文有眚無眚當
以今本爲長然陸氏釋文音舜又丑乙達結二反从下二音當
爲眚从舜音當爲眚石刻蓋據陸初音也襄廿七年攜其妻而
與之盟今本攜爲挈注云挈猶提也按上文已有挈其妻子何
氏無注注于此句之下知當爲攜字注中挈字亦攜字之譌提
携爲疊韻故轉相訓也襄廿九年爾弑吾君今本弑作殺按下

文云爾殺爾兄兄言殺君言弑詞有輕重之別石刻爲長定元年不衰城也今本衰爲蓑說文衰訓雨衣正字蓑俗字亦當从石刻也惟成十年經無冬十月注云去冬者惡成公今石刻依左穀增入非何注義矣 穀梁十二卷襄公篇爲朱梁重刻成公篇重刻者居其半僖公篇亦似後來重刻却不避城字顧氏謂昭定哀三卷亦朱梁補刻則攷之殊未審矣隱元年貝玉曰含石本與監本同顧氏謂石經作殊玉欲以糾刻本之誤豈其然乎定元年此該郊之變而道之也今本脫郊字石刻止存郊之變而四字以字數計之郊上當有該字顧謂該誤爲郊又不然也 論語十卷願車馬衣裘衣下旁注輕字此宋人妄加攷北齊書唐邕傳顯祖常解所服青鼠皮裘賜邕云朕意在車馬衣裘與卿共敝蓋用子路故事是古本無輕字一證也陸氏釋

文於赤之適齊節音衣爲於既反而此衣字無音是陸本無輕字二證也邢疏云願以已之車馬衣裳與朋友共乘服是邢本亦無輕字三證也皇氏義疏云車馬衣裳共乘服而無所憾恨是皇本亦無輕字四證也今注疏與皇本正文有輕字則後人依通行本增入非其舊矣無求生以害人今注疏本人作仁而疏中仍有害人字蓋明人依朱本校改猶幸改之未盡以石刻證之益明白矣陽貨篇子曰巧言令色鮮矣仁九字皇本無之石刻亦無此節宋人增注于旁非唐本之舊矣至如我三人行必得我師寢不尸居不客漆雕之爲彫皆據陸氏釋文而顧氏以爲誤何也 孝經一卷與今本無甚異同惟序文庶有補於將來石刻無於字 爾雅三卷文字與今本異者多勝於今本如釋詁底底止也釋文底丁禮反底之視反後人疑其重出輒

改底爲廢不知注中替廢連文乃訓替爲廢非本有廢字也釋
言檣柱也今本皆從手旁按說文檣柱砥古用木故从木非从
手也華皇也今本皇在華上按釋文亦先華後皇釋天四氣和
謂之玉燭今本氣作時李善注文選引此文正作氣也釋艸孟
狼尾今本孟爲孟荷芙渠今本渠爲蕖澤烏菴今本菴爲蘗葶
麻母今本葶爲葶蒙王女今本王爲玉釋木味莖著今本味爲
蘇狄臧釋今本臧爲藏釋烏鶯白鶯今本分楊鳥爲二字皆當
依石刻正之

魏氏潛研堂金石文
跋尾

五經文字三卷凡一百六十部三千二百三十五字大歷十一
年國子司業張參以說文字林兼采漢石經著爲定體按劉禹
錫國學新修五經壁記曰大歷中名儒張參爲國子司業始詳
定五經書於論堂東西廂之壁辨齊魯之音取其宜考古今之

文取其正由是諸生之師心曲學偏聽臆說咸束而歸於大同積六十載崩剝汗蠟泯然不鮮今天子尙文章尊典籍國學上言遽賜千萬時祭酒解博士公肅遂以羨贏再新壁書懲前土塗不克以壽乃折堅木負墉而比之其製如版牘而高廣其平如粉澤而絜滑背施陰關使衆如一附離之際無跡而尋堂皇覲深兩屋相照申命國子能通法書者分章揆目懸其業而繕寫焉此文當作於大和元年間自土塗而木版自木版而石壁凡三易矣乃今石刻其末曰乾符三年孫毛詩博士自牧以家本重校勘定七月十八日書刻字人魚宗會其字別體與朱梁所刻相類而本文不然當是開成中所刻其中有磨改數字者意自牧所爲也 九經字樣一卷凡七十六部四百二十一字册府元龜周太祖廣順三年六月尙書左丞兼判國子監事田

敏獻印板書五經文字九經字樣各二部一百三十策奏曰臣等自長興三年校勘雕印九經書籍經注繁多年代殊邈傳寫紕繆漸失根源臣守官膠庠職司較定旁求援據上備雕鐫幸遇聖朝克終盛事播文德於有截傳世教以無窮謹具陳進是此二書曾有印板而自宋以來學者不言之何也

顧氏金石文字記

玉海云大歷十年司業張參纂成五經文字以類相從開成中翰林待詔唐玄度加九經字樣補所不載晉開運末祭酒田敏合二者爲一編以考正俗體譌謬後周廣順三年六月田敏進印板九經書五經文字樣各二部一百三十册宋朝重和元年十一月二十八日言者謂張參唐玄度所撰五經文字九經字樣辨證書名頗有依據然其法本取蔡邕石經許氏說文宜重加修定分次部類爲新定五經字樣從之按中興書目五經文

字五卷大歷十一年司業張參撰序曰詔委儒官勘校經本乃命孝廉生顏傳經收拾疑文互體受法師儒取說文字林蔡邕石經陸德明釋文爲定例凡一百六十部非經典文義所在皆不集錄顧氏旣於九經字樣詳加採錄獨於五經文字考中言之寥寥夫二書皆附石經以傳皆有功於石經且五經文字爲九經字樣之所從出焉獨得闕故書此補之

石經攷異

按開成石刻十二經共一百一十四石當時若何建立無文可稽要必兩行分列卽劉鄴輦入城中黎持移於府學北牖其照舊排列有斷然者蓋自周易卷一起至九經字樣五十七石自春秋左氏傳卷一起至呈進石經狀子五十七石均一氣銜接卷首俱在石中無可斷處故一石不容凌亂其以五經文字九經字樣廁於禮記之末殆幾費斟酌就經卷次第字數多寡分

配勻停非孟浪爲之也一石或分兩段三段書者卷首章首提
高另列則上文須數字分行縮於七截八截之內且三五行之
截不與本下截相連屬而與上下石之短截連讀必須二三十
行方足一截之數故裝裱石經之工匠非有師承不敢著手每
經並未刻注而書某氏注某氏箋者唐以前無通行本各家之
說有不同擇其最善者用之某氏注卽某氏本耳今之碑林卽
宋之府學北牖中間曲廊五十間覆庇石經東廊橫列二十四
石縱列三十三石西亦如之其石廣狹或殊高下一致承以方
趺覆以經版且篆周易尙書毛詩等字於額以清眉目惜多半
磨泐王堯惠補字刻小石二十餘方嵌於經旁壁間游覽其中
覺墨香撲鼻石氣陰森誠洋洋大觀也王氏金石萃編謂易九
石書十石等語及每石七八層石高七八尺不等諸說均屬耳

食故一誤再誤至章句文字之攷稽先儒異同之辨別條分縷
晰則惟王氏爲最詳原書具在不贅錄焉

編纂渭南武樹善

陝西續修通志稿卷一百五十二

金石十八

唐

馮宿碑

存 開成二年 見王氏金石萃編

碑 連額高一丈八寸廣四尺三寸四十一行行八十三字 王起撰 文柳公權正書 在西安府碑林

觀韓昌黎與馮宿論文書時值唐文之衰馮公獨能力進乎古

爲昌黎所推許生無愧秩宗之官死而柳公權爲之書碑今又

列於泮宮馮公亦足以不朽矣第碑移竟失墓所惜哉

來齋金石刻考畧

唐制諸王拜節度大使者皆留京師以副大使知節度事者實

正節度也碑稱充劍南東川節度副大使知節度事而新舊史

但稱節度使者蓋以此舊史本傳云韓愈論佛骨時宰疑宿帥

疏出爲歙州刺史新史疑其未必然而刪之然碑云公爲比部

鄖中爲持權者所忌會韓文公愈上疏切諫佛骨忌公者誣公實爲之出刺歙州則固有此事矣昌黎之文自後世論之固非宿所能及在當時則猶夫人爾況出于忌者之口亦何所不至哉史稱婺州東陽人而碑云冀州長樂人蓋舉其族望然唐時冀州固無長樂縣劉知幾所譏諒哉

錢氏潛研堂金石文跋尾

苻璘碑

存文見王氏金石萃編

碑高一丈廣四尺五寸三十一行行六十二字李宗閱撰文柳公權正書并篆額碑建和鐫字在富平縣署

右唐苻璘碑按唐書列傳璘姓苻而碑作苻以姓氏書考之瑯邪苻氏出于魯頃公之孫公雅爲秦符節令因以爲氏而武都苻氏出于有扈之後爲啟所滅犇西戎代爲氏曾本姓蒲至苻堅以背有文改焉今此碑以璘爲苻氏又云其先瑯琊人皆不可知然按璘與第瑤皆封邑於瑯琊豈書碑者誤以苻爲符其

家出于武吏不知是正乎

趙氏金石錄

碑云公諱璘字元亮沂州臨沂人傳云瑯琊人蓋傳舉其郡而碑舉其州與縣也碑云璘在田悅軍中并州帥馬燧以犀帶遺公爲約而傳畧之傳云璘與父令奇齟臂別而碑不載豈作史者欲形其父子之忠義而粉飾之也耶

葉氏金石補錄

按此碑無建立年月王氏金石萃編謂爲開成三年以誠懸開成三年方轉工部侍郎與此碑結銜同也

李繼妻崔氏墓誌銘

佚開成三年見毛氏關中金石文字存逸致

石佚未詳尺寸李紳撰文正書

此誌與李繼誌均未詳所在矣兩誌皆李紳撰文簡雅潔峭故錄之商庸事未詳

毛氏關中金石文字存逸致

玄奘塔銘

存開成四年見王氏金石萃編

百高三尺四寸五分廣六尺八寸四分七十六行行四十二字
劉軻撰文沙門建初行書在西安興教寺

玄奘久居西域廣釋佛言唐太宗極尊崇之據史卒於顯慶六年即龍朔元年銘則云卒於麟德元年之二月史云年五十六銘云年六十九先葬滙東後移徙樊川北原即少陵原文宗開成四年劉軻纂文僧建初書行艸秀勁有法而文亦粗能言師事俱可存也

趙氏石墨鐫華

玄奘法師始出塞涼州都督李大亮留之不聽去且奏聞邊臣之風紀凜然高祖勅放行崎嶇西域十七載得番經六百五十七部而還詔譯於慈恩寺再譯於洛中自佛法入中國至是始大行於世也按唐書法師從天竺東歸婆羅門國王尸羅逸多遣使隨入朝貞觀二十年命長史王元策往慰之蔣師仁爲副未至尸羅逸多死其臣阿羅那順自立發兵拒元策元策時從

騎纔數十戰不勝皆沒時吐番以尙主親中國元策挺身奔吐番西郵檄召隣國兵吐番泥阿婆羅皆將騎士以來二十一年五月元策部分之攻和羅城三日破之婆羅那順委國走合散兵復陣師仁破擒之獲其妃王子萬二千人雜畜三萬降城五百八十獻俘告廟法師且親見之矣天竺居葱嶺南去長安萬里自古未有使至其國者法師以取經爲其王敬信其臣阿羅那順悖逆遂以召戎至於君臣係累萬里爲俘中國之威靈於佛法何有哉今阿羅那順刻石肖像於唐太宗昭陵列諸番君長十四人之末侍立北闕背刻曰婆羅門帝那伏帝國王阿羅那順云

來齋金石刻考略

塔銘稱曾祖爲曾父潘昂霄金石例所未聞也碑載永徽二年春三月造甄塔七級事其下即云冬十月中宮方姬請法師加

祐既誕神光滿院則中宗孝和皇帝也請號爲佛光王受三歸服袈裟度七人請法師爲王剃髮按中宗以顯慶元年十一月生若永徽三年則其時武氏未爲后不得云中宮矣碑蓋失書其生之年爾

錢氏潛研堂金石文跋尾

基公塔銘

存 開成四年見王氏金石萃編

石高二尺二寸五分橫廣三尺四寸五分合檢建在興寺教

基公者尉遲敬德之從子也度爲僧譯經於慈恩寺卒於永淳

中大和間始建塔李宏慶銘之書者亦建初

趙氏石墨講華

基公尉遲氏蓋鄂公之從子玄奘請之而後披剔者鄂公晚年學延年效方士之所爲宜其陷是子于緇流也碑首按吏部李侍郎父碣文父唐書有傳爲吏部時請謁不行時人語曰李下無蹊徑風斯尚矣銘題基缺畫下凡兩見又不缺或以行書可

權爲之耶

武氏授堂金石跋

衛夫人輔氏墓誌銘

開成四年見陶齋藏石記

石高一尺三分廣一尺四寸四分行二十四字後缺
一角玉瑣撰文銘後另有小字銘詞二行共正書

誌略云夫人姓輔氏字德一其先茂陵人也曾祖巖申州鍾山縣令祖太初朗州長史父元述楊州右司馬母吳興郡君夫人沈氏皆先夫人而歿夫人即司馬長女也天資令淑神燦精明輔佐君子星霜未周以開成四年八月十五日終於親仁里之私第年二十有二有子一人茹毒之秋纔逾滿月以其年八月廿七日窆于萬年縣寧安鄉畢原權葬先塋之左禮也夫人猶有衆子三人寄于淮楚長曰孟老次曰小孟口曰十郎並齟齬之年也銘後又續小字二行曰河東子泣而銘曰判合去歲乖離此年子居襁褓將何恃焉缺皇天后土當聞是言按此誌

續陝西通志卷一百五十一
四
題銜云唐左春坊太子典膳郎河東衛君夫人扶風輔氏墓誌
銘則後續之銘題曰河東子自屬其夫之銘可爲金石增一例

元政尊勝陀羅尼經幢

開佚 文見王氏金石萃編 成五年

幢已三假合之高五尺九寸八面每面廣五寸各六行行六十
九字正書

陳士揀墓誌銘

開佚 成五年

石佚未詳尺寸許澗撰文正書左行

誌畧云君諱士揀字適之其先潁川郡人也祖新父運晦亦不
仕君藝攻騎射學覽詩書誓志從戎將身許國爰起隊將遷授
押衙及天威併於神策以右廂隸屬西軍仍加正將乃元和九
年矣後屬中外多事侍衛勤勞自振威校尉累至金紫遷試到
詹事官改監察殿中侍御史轉勳上柱國進爵潁川公食邑二
千戶未婚有子三人曰宗敬宗直宗楚及娶扶風班氏女生子

曰宗峻宗師夫人先君而逝享年廿二終于修德里第卽元和十一年四月廿六日以其年六月廿六日窆於長安縣承平鄉大嚴村陳氏之先塋禮也公以開成四年八月廿一日終於修德里第年五十四以來年正月十九日嗣子宗峻等護靈舉合祔先夫人之塋遵周制也 此誌舊出長安今未詳所在矣毛氏

圖中金石文字
存逸攷

重修大像寺記

存會昌元年見王氏金石萃編

碑高六尺六寸七分廣三尺六寸三十一行行六十字沙門義
叶行書秦錫刻字在隴州

按大像寺今陝西通志隴州寺觀已不載蓋頽廢久矣碑云乙卯歲是大和九年戊午歲是開成三年碑載潁川郡陳公爲左神策將軍而不詳其名碑前刻寺記後刻在地果園頃畝四至而記乃云頃畝年代並錄于寺記碑陰者何也所記園地數惟

幾頃幾十幾畝至半而止不似後世有釐毫絲忽細數也地有
荒熟則並載之地之段落曰垆曰埭地之四至曰南阡北陌垆
字見廣韻垆陌也字書無埭字疑俗書或與埭陵通用也阡陌
二字舊說不同說文云南北爲阡史記秦本紀開阡陌注引風
俗通曰南北曰阡東西曰陌河東以東西爲阡南北爲陌朱子
曰陌之爲言百也遂漚從而涇涂亦從而遂間百畝漚間百夫
而涇涂爲陌阡之爲言千也溝澮衡而眇道亦衡則溝間千畝
澮間千夫而眇道爲阡阡陌之名由此而得字典曰按陸機答
張士然詩迴渠繞曲陌通波扶直阡此以南北爲阡柳宗元田
家詩蔚食徇所務驅車向東阡此以東西爲阡也據此碑則云
南阡北陌以阡陌分屬南北而東西不與焉要之阡陌亦無定
義皆田間涂畛之名而已碑書四至之例近他人者著他人姓

名近本寺地則曰自至亦叔見也內有云東鍾進通西晉三娘
晉姓見廣韻唐叔虞之後以晉爲氏魏有晉鄙然絕無一人登
史傳者此晉三娘獨得刻于碑碣以傳何其幸也寺中僧職有
典座又有直歲始見于此 王氏金石萃編

玄秘塔碑

存 元年 王氏金石萃編

碑高一丈五寸廣五尺一寸二十八行行五十四字裴休撰文

按此碑世多搨本下截每行磨滅二字雖舊搨者多同其餘則
皆完好也碑題左街僧錄新唐書百官志貞元四年置左右街
大功德使總僧尼之籍法師蓋充此職也撰者裴休舊唐書傳
稱其善爲文長于書翰自成筆法家世奉佛休尤深于釋典太
原鳳翔近名山多僧寺視事之隙遊踐山林與義學僧講求佛
理云云其歷官則舊傳但云會昌中自尙書郎歷典數郡新傳

但云歷諸府辟署入爲監察御史更內外任此碑結銜云江南西道都團練觀察處置等使朝散大夫兼御史中丞皆兩傳所略也潛研跋云方鎮表建中元年升山南西道觀察使爲節度使祠後無降爲團練使事疑史有脫漏蓋以休結銜爲山南西道也此碑塌本南字上一字大半已泐然左旁下存點右旁下存短畫諦視之確是江字之下半非山字宋米芾書史云江南廬山多裴休題寺塔諸額皆眞率可愛是可爲江南西道之確據矣書篆者柳公權結銜云充集賢殿學士兼判院事新書傳作知院事百官志集賢殿書院開元十三年置初制宰相知院事常侍副知院事又置判院一人元和四年始以學士年高者判院事是知院與判院品秩不同立碑之時公權年已逾七十宜乎判院而傳作知院疑傳訛也傳又稱公權嘗書京兆西明

寺金剛經有鍾王歐虞褚薛諸家法當時大臣家碑誌非其書

人以子孫爲不孝然則大達之門弟子亦以得公權書爲孝耶

碑但稱大達天水趙氏世爲秦人而不詳其諱閤門使劉公亦

不著其名皆文之略也書大頤方口頤作頤別體字

王氏金
石萃編

尊勝陀羅尼經幢

會昌元年
王氏金石萃編

書在長安縣杜城每面廣六寸各六行每行字數無考敬思正

寰宇訪碑錄云在長安今未詳所在矣

毛氏關中金石文字存

龍首鄉尊勝陀羅尼經幢

會昌三年
王氏金石萃編

或六行七行不現存兩段計共高五尺六寸八面每面寬六寸

寰宇訪碑錄云在長安今未所在矣

毛氏關中金石文字存

趙夫人河內張氏墓誌銘

會昌三年
陶齋藏石記

石高一尺一寸五分廣一尺一寸二分六行字數不一沈

新陝西通志卷一百五十一
誌畧云夫人河內郡雲陽人也既笄之年歸于天水趙公春秋
五口口口會昌三年歲次癸亥正月廿四日終于長安延壽坊
之私第四男成長二子聘室兩女有家其年五月廿六日窆于
京兆府長安縣小巖村之原禮也云云 按此誌磨泐已甚故
其子壻之名不能盡晰概不錄且屢稱夫人爲大人後安子宜
郎閨郎皆不書姓當係夫人親屬惟稱謂未明白耳

王文幹墓誌銘

存 文見王氏金石萃編

石方二尺五寸三十八行行三十字至三十二字不等趙造撰
文蓋遠正唐王安府

按誌叙自曾祖祖父及文幹之身蓋四世爲內官矣王父上又
加祖字叔見于此唐書百官志閑廐使押五坊以供時狩一曰
鷓坊二曰鶻坊三曰鶴坊四曰鷹坊五曰狗坊而無鷄坊誌云
遷鷄坊使剪拂珍禽在鬪自我是鬪鷄之職也又云未幾息車

改裁接使唐六典尙寢局掌燕寢進御之次叙總司設司輿司苑司燈四司之官屬司苑掌園苑種植蔬果之事是裁接使卽司苑所掌皆可廣唐書六典所未備也又云開成五年詔遣充新羅使迴槨累程潮退反風恐懼在舟疾從此起云云舊唐書新羅傳開成四年又遣使朝貢以下無文新書傳載開成五年鴻臚寺籍質子及學生歲滿者一百五人皆還之不云遣使據誌所云恐是命文幹護送還國而史畧之也誌云有子三人而下文只義仙義立其一殆卽適史氏之女也

王氏金石萃編

韋敏夫人李氏墓誌銘

存會昌五年文見毛氏關中金石文字存逸致

石方二尺一寸二行行二十一字于瀆撰文正書石破裂不全四圍有花紋

此石本出興平今爲三原北城李氏家藏撰文之于瀆見新唐書宰相世系表瀆字子漪泗州判官藝文志于瀆詩一卷瀆於

續陝西通志卷一百五十一
唐時亦有文名者此誌古雅可誦有韓柳風格文中尙缺一字
又誌中不能嘉也之嘉當作加亦不辨其罪出也罪字當作非
皆上石之譌未能更定也又假假然三字未詳所本

毛氏圖中字
金石文

存逸
致

按此誌文甚雅潔而正書草率刻工亦劣食糠羹藿旬食之下

註曰音祀

柳氏長殤女墓誌銘

存會昌五年見陶齋藏石記

書石高一尺六分廣一尺二分十六行行十七字兄仲郢撰文正

誌略云妹名老師會昌五年五月二十一日天子昇平里第享年一十有六粵以六月二日葬于杜城村兄仲郢執筆誌其石云 此誌本出長安後歸岐山宋氏今未詳所在矣有重

模本

毛氏圖中金石文字存逸致

按古有三殤女年十六則爲長殤見小戴禮喪服傳仲郢新舊唐書俱有傳附其父公綽後仲郢署銜云權知京兆尹資治通鑑唐武宗紀會昌五年李德裕以柳仲郢爲京兆尹女即殤於斯歲仲郢甫爲京兆準以試守之例故曰權知京兆尹也文中我家及世祿上皆空三格不知其故度亦自尊其家之意

陶齋藏石

記

按此石光緒二十八年亦由宋氏歸於陶齋誌中杜城陶齋以爲即杜陵所謂城南韋杜者也大誤杜陵即杜曲原在城南四十里杜城今仍名杜城村在城東南二十里

魏夫人趙氏墓誌銘

存會昌五年文陸氏金石續編

石方一尺八寸二十八行行二十二字至二十八字不等王儷撰文正書在成寧縣

魏遷墓其子匡贊已誌之矣此爲其妻趙氏耐葬而作題魏君

夫人墓誌而前幅叙邈官履甚詳則仍爲合葬誌也匡贊誌云授懷果二州參軍皆未上而此云凡歷四郡皆直道佐理所載已失其實又匡贊誌載子三人長即匡贊次曰文質季曰齊貢而此誌則稱長曰齊貢次曰匡贊幼曰文質兄弟之序顛倒至此作者偶誤其家人亦不更正何也匡贊誌云女三人而此誌則有曰女四人長適皇甫氏又爲匡贊所遺一家之事二石互異考據家欲據衆手共成之史辨論千古得失不亦難哉誌所稱文貞公乃唐初相國徵也誌中振作振儒作儒粹作粹冥作寘剛作剛號避虎字諱作豨也民字以避太宗諱缺筆

黃氏古石華誌

堵穎墓記

佚文錄後
大中元年

石方一尺二寸十行十字十一字不等正書

維大中元年歲次丁卯閏二月景寅八日口口故內侍省令史堵

穎年卅五其月四日一更時卒于上京頌政坊饅飽曲東本貫常州晉陵縣五湖鄉臨湖里權殯于長安縣龍首鄉口嚴村買地壹段地主王公政其小嚴村即開遠門外臨臯驛西南孝弟集賢供奉中顛記

按堵氏爲鄭大夫堵叔師之後楚堵敖之後亦曰堵氏新唐書百官志內侍省有令史八人亦末職也石甚磨泐字跡草率頗似鄉村造像今未知移徙何處矣

于惟則陀羅尼經幢

大存 中二年 文見王氏金石萃編

幢高六尺六寸八分每面廣八寸各七行行六十六字王鈔撰文尙口口正書今在西安府碑林

李朝成尊勝陀羅尼經幢

大存 中二年 文見王氏金石萃編

幢高六尺九寸八分每面廣六寸前行六面各六行後二面各五行字數五十一餘至八十餘不等行書在西安府碑林

按幢立於長安縣義楊鄉義楊當是義陽長安志云在縣西南

一里李朝成結銜云劍南西川監軍使唐書兵志上元中以北
衙軍使衛伯玉爲神策軍節度使鎮陝州中使魚朝恩爲觀軍
容使監其軍此監軍之名所自始然幢立于大中二年距上元
之設監軍又隔九十年豈其官不廢耶且劍南西川之置監軍
使始于何年史亦無考李文端結銜含光副使未詳朝義大夫
當即朝議內府局與其子公繹之官掖廷局同屬內侍省又宮
教博士掌教習宮人書扇衆藝之官皆內官此幢後題李文端
有夫人馬氏又有三子蓋是當時之內官皆娶妻而有嗣子也

王氏金石
萃編

周公祠靈泉記

大存中二年見王氏金石萃編

碑連額高九尺二寸八分廣三尺二寸四分行五十五字
額題額德泉記四字崔瑛狀奏宣宗批答並正書在岐由縣

周公祠靈泉湧出大五小七凡十二處觀察崔瑛奏狀勒石事

在大中間石前刻奏狀中間宣宗批答后刻琪謝表文詞宛至
有盛世風書亦遒健有法且其敘列大似漢人碑例而遜其古
質耳如此等碑宋以後恐不能得也

趙氏石墨齋華

鳳翔府岐山縣鳳栖鄉周公祠舊有泉水久竭大中間泉忽湧
出崔觀察琪奏狀亦水旱恒事耳宣宗手詔褒嘉猶見下霽而
史尚以無復仁恩察察爲明短之今世何可得也碑勒奏及手
詔謝表筆氣蕭散有褚河南意後書年月及銜復似柳如出兩

手

郭氏金
石史

新唐書琪傳宣宗立以太子賓客分司東都起爲鳳翔節度使
正在大中初年琪具奏靈泉之日何爲削其封郡食邑舊書所

載與碑同

葉氏金石錄補

王府君夫人張氏合祔墓記

存文錄後
大中三年

唐故文林郎守江州彭澤縣尉王府君夫人清河郡張氏合祔墓
記 君諱常散京兆三原人曾瓊祖馴高尙不仕皇考恒左羽林
軍將軍君第六子也貞元乙酉歲勳蔭釋褐授尉彭澤直口口元
和四年己丑口于京師歸葬三原享年四十二夫人清和郡張氏
有子三人長智崇前武昌軍節度押衙兼監察御史次雲居入道
內供奉講論大德開成四年己未僊化祔瘞玄靜先生瑩次贊口
京兆府孝德府右果毅夫人大中二年戊辰四月十二日終布政
里享年六十七時議歸祔卜窆不從明年己巳口口廿四日於長
安縣大嚴村龍首原自三原起舉合祔茲瑩蓋已祔君口道門威
儀賜紫諡玄靜先生季倫口也內外宦官並載兄誌此其簡略慮
陵移谷變代易時悛故紀佳城終古不泯也 直北去玄靜先生

瑩約三百步

按此誌曾祖瓊書曰曾瓊無乃太簡後並載兄誌不知所指

翟府君夫人高氏墓誌銘

存 大 中 四 年 見 陶 齋 藏 石 記

石高一尺四寸七分廣一尺四寸五分二十四行行二十四字
堂叔口口撰文正書

誌畧云夫人諱婉字順美我先祖渤海蒨人也會祖利皇太中大夫太子僕贈揚州大都督祖昇皇開府儀同三司鳳翔隴右節度觀察處置使鳳翔尹兼御史大夫上柱國紀國公集賢待制父鑲皇儒林郎行鳳翔府參軍夫人則紀公次子都官之第二女也生秉敏慧幼聞詩禮迨有行於翟氏能輔佐以肥家大中三年十一月十一日歿於京兆府鄠縣宜善鄉龐保村莊舍春秋五十有八嗣子曰虔次曰駢以四年冬十月五日營窆于當鄉中龐村附於先舅先姑瑩之北阡孝之終也 此石今藏

渭南趙氏誌中夫人姓缺郡望則爲渤海椿人案渤海椿縣本爲高氏郡望而夫人之祖昇曾官鳳翔節度又有集賢待制之銜考通鑑唐代宗廣德元年十月吐蕃陷長安郭子儀收兵行至藍田遇鳳翔節度使高昇又永泰元年三月命文武臣十三人於集賢殿待制注中有檢校刑部尚書高昇此誌云夫人之祖名昇官鳳翔節度使又爲集賢待制與通鑑所書高昇官銜適相符合故定爲高氏云

毛氏關中金石文字存逸考

按此石於光緒二十八年歸於陶齋

柳知微妾陳氏墓記

佚文見毛氏關中金石文字存逸考
大中年

石佚不計尺寸柳知微撰文并正書

此石舊出長安後爲懷寧張木三購去携至山左今未詳所在矣書法似柳誠懸蓋習其家書者歐陽集古錄有孔岑父碑係

柳知微所書知微在當時亦有書名也

毛氏關中金石文字存逸致

劉繼墓誌銘

大存中四年見陶齋藏石記

石方一尺三寸三分二十四行行二十八字女霈徐有章撰文正書

誌略云公諱繼字嗣卿南陽人也大中四年五月五日歿于金容里私第享年七十有九其先漢景帝子中山靖王勝之後裔也曾王父問鄧州刺史王父元貞左龍武軍大將軍贈使持節都督天水郡太守考瑩鄧州內鄉縣令公風神高邁文武兼資解褐以太廟室長選授漢州金堂縣主簿長慶元年再選授雅州倉曹大中二年選授司錄參軍何期天奪其壽岱宗忽逝夫人張氏故朝散大夫漢州金堂縣令紉元之女也嗣子詢謀次子知溫長女以比年歸有章之室小女適見任趙州九隴縣主簿李師仲以其年孟冬之月廿有八日遷柩歸葬十二月廿九

日卜葬于長安縣西龍首鄉未央里祁村白帝壇西隅三百步
存歿禮也 此誌文欠雅潔字亦撩草以叔作斜以萬作万均

屬罕見

王守琦墓誌銘

佚 大中四年 陸氏金石續編

石方一尺六寸二十二行行二十二字劉景述正書

誌中兩用後字一云煥彩實暉於後嗣當作後一云怨嗟煢後
則又當作獨銘詞中兩用鈞字一云書鈞全功一云鈞鏡人仁
字書鈞音日鈍也與此文義不合當是劍字別寫天子曰崩諸
侯曰薨位高者尙可通用此誌書卒曰崩則妄甚矣文內掖授
播柝握楊凡从才之字皆作才握恩不榭榭應从言此亦作才
葬事將塋塋當作營吉辰用刻辰當作辰用字缺筆與僧思恒

志同

黃氏古誌石華

元存助經幢

大伏 中四年

石佚未詳尺寸行書

此幢爲咸寧晁氏家藏今歸渭南趙氏

毛氏關中金石文字存

按此幢已佚未審歸於何氏

勅內住宅使牒

大中五年見王氏金石萃編

石橫廣四尺四寸五分高二尺二寸八分二十五行行十四字
正書在碑林玄秘塔碑陰

按文云不忤同學忤音干說文長箋云忤有迂進之意故迂干
此與說文訓極也之意別新唐書萬壽公主傳無忤時事正與
此同後人直作干字矣碑稱同從師出家者爲同學俗家爲俗
弟子皆始見此碑至院內祖婆父其稱謂不可曉長安志澆水
在萬年縣東北流四十里入渭碑稱澆川鄉陳村此鄉必以澆
水所經得名長安志已不載此鄉則當在唐時四十五鄉之內

畢制府長安志注歷引諸碑所載古鄉名村名而不及此亦可

以廣未備也

王氏金石萃編

才人仇氏墓誌銘

存文五年錄

石方二尺二寸二十三行行二十四字宣宗御製文朱圻行書
唐遠篆蓋存長安段氏

故南安郡夫人贈才人仇氏墓誌銘

井序

御製 周官天子立

六宮始有三夫人之位漢因秦制內職叙夫人之班魏晉以還多
遵故事所以昭顯婦順明章內治必用德授以爲教先斯則關雎
鵲巢之本國風王化之端也南安郡夫人贈才人姓仇氏爰自牧
香之後率多聞人由本部疏封錫湯沐之邑初以才貌選充後宮
吾擢居寵遇行止侍隨貞孝罕儔懿範殊古爾儀標九嬪行備四
德含徽挺烈執柔處謙玉潔而朝霞共鮮蘭薰而月桂爭馥而又
婉嫵順意幽閑持心深誠繁華偏滋窈窕暨鈞筐奉職褵翟榮身

不以渥恩自矜不以貴秩自滿雀釵成禮膺晉代之規模象簞稱
奇鄙漢時之侈麗故能令則列於彤管善譽溢於椒塗蘊是芳猷
著爲則躅彼衛宮知德遠察輪轅之音齊孟墮車不忘環佩之響
方茲箋如也旣蹈淑慎宜登遐延美繁沚之前修歎薤英之遽天
期享壽之齡年固輔佐之多歲豈料穠華二紀膏肓忽侵未涉踰
旬瘳禍斯至悲降年不永難駐蕙風嗟悼已深念不及矣嗚戲弱
女尙駭一男纔生付託而誰弃之何速吾懷傷歎加以涕零感想
慟之哀爾長往以大中五年五月十八日歿于宮中時年廿四嗚
戲爾生于華宗被此顯秩存有懿德歿有殊榮可謂無恨於初終
矣以其年八月四日葬于京兆府萬年縣崇道鄉只道里銘曰
仇氏簪纓蟬聯在昔乃生蕙質來備宮職閱史何箴披圖比德嘉
此韶茂隆於典則旄旗洛浦雲雨陽臺帝庭暫住仙路終迴秘殿

長別新阡迥開百齡共盡萬古同哀壠樹行兮宿草生春風罷兮
秋月明年來兮歲往留閨範於松銘 翰林待詔中散大夫茂王
傅上柱國吳縣開國男食邑三百戶臣朱圻奉勅書 翰林待詔
朝議郎行宣州司士參軍上柱國賜緋魚袋臣唐遠奉勅篆蓋
中書省刻字官臣強琮奉勅鐫

李從證墓誌銘

大伏中五年

石佚未詳尺寸尹霍鐸撰文林言正書

誌畧云府君姓李名從證曾祖諱溫祖諱進超興元監軍烈考
諱行邕有命子三人公即第三子也事武宗皇帝授宣義郎行
內侍省內僕局丞員外置同正員上柱國大中四年十一月十
六日終于廣化里私第有命子一人曰敬融大中五年正月廿
三日葬于先塋碑堂之東地即京兆府萬年縣滄川鄉上傳堂

置其墳焉 此石本出咸寧今未詳所在矣

毛氏關中金石文
存逸致

梨園店尊勝陀羅尼經幢

大中五年見王氏金石萃編

幢高六尺一寸八分廣七寸四分或五寸三分各八行
行六十二至六十五字不等行書在淳化縣

按文所稱皇帝乃宣宗也舊唐書宣宗紀大中二年春正月壬戌宰臣率文武百寮上徽號曰聖敬文思和武光孝皇帝此碑作敬聖未詳孰是 王氏金石萃編

比丘尼正言疏

大中六年見王氏金石萃編

石橫廣四尺八寸六分高一尺六寸十八行行十二字正書與前刺鐵同刻玄秘塔碑陰

按此與勅牒連類而及牒是官頒者此疏是正言自立者爲永捨寺中之憑據李自遷俗家也不曰俗第子而曰手下弟子當是皈依正言者文云少許觀利觀音觀廣韻與觀同觀錢也皆與觀利同義碑書謬烈緇倫烈當作列 王氏金石萃編

僧幼恭尊勝陀羅尼經幢

未詳所在
大中六年

文見王氏金石萃編

幢高三十一字合行計高七尺九寸八分每面廣六寸八分各七行

杜順和尚行記

存
大中六年
文見王氏金石萃編

碑高四尺四寸七分廣二尺八寸二分二十一行行二十七八字
字不等杜殷撰文董景仁行書鄧建初刻字在西安府碑林

此唐碣也字頗可收乃其文義晦澁破碎全不成說使此和尚空有行記之石千年在世與草木同腐則何益矣乃知言之不文行之不遠使再不得此字更消滅久矣

墨林快事

按神僧傳法順姓杜氏雍州萬年人碑云京兆人與傳合僧冠以姓與裴大智碑相似而朱長文碑帖考又有華嚴寺法順大師碑許康佐書此碑今在長安縣開福寺中

業氏金石錄補

王圻續文獻通考法順姓杜氏萬年人爲隋文帝所重月給俸供之有病者對之危坐少即愈生而聾者與言即聰啞者與語

卽能言狂顛者使人領往向之禪定少選卽拜謝而去又嘗臨
溪侍者懼不可濟順率同涉水卽斷流其神迹類如此太宗素
敬之嘗引入宮禁妃主戚里諸貴奉之如天佛集嚴華法界觀
門弟子智嚴尊者傳其教

畢氏圖中金石記

圭峯定慧禪師碑

存 大中九年 王氏念石萃編

碑高八尺八寸廣四尺二寸三十六行行六十五字裴休撰文
并正書柳公權篆額鄧建初刻字在鄧縣草堂寺

右圭峯禪師碑唐相裴休撰并書其文辭事跡無足採而其字
法世所重也故錄之云

歐陽集古錄

柳書名噪一時視公美固在鴈行裴博綜教相通徹祖心手書
藏經五百函序諸疏論固是宰官禪那其父中明肅越州觀察
使又建龍興大佛殿先是越州沙門曇彥同許詢造塔未就詢
亡彥師可百二十歲猶存岳陽王將撫越彥曰元度來也時詢

亡已三十餘年弟子疑其耄忽岳陽果至以誌公密示先造彥
彥遙召曰許元度來何暮昔日浮圖今如故岳陽曰弟子蕭簪
何呼許元度彥曰未達宿命拉入室席地以三昧力加被岳陽
忽悟前身造塔事宛若目前因重新二塔衆以殿事請彥曰吾
緣力未至二百年後以待非衣刻石記之及裴至期應不爽遂
爲建殿觀此裴公再世皈依宿因故碑能爲其家言復無精詣
何也

郭氏金石史

宗密姓何氏果州西充縣人嘗登進士二十五歲時于遂州涪
江西峯遇道圓禪師問法契心遂受圓教文曰自迦葉至達摩
廿八世達摩傳可可傳璨璨傳信信傳忍爲五祖忍傳能爲六
祖忍又傳秀爲北宗能傳會爲荷澤宗又傳讓讓傳馬爲江西
宗荷澤傳磁州如如傳荆南張張傳遂州圓張又傳東京照圓

傳之師師于荷澤爲五世可卽慧可信卽道信忍卽宏忍宏忍與道信並居廬州雙峯山東山寺故謂其法爲東山法門贊寧高僧傳稱宏忍七歲至雙峯道信密付法衣號爲東山法門者是也六祖本住寶林寺後刺史辛據命出大梵寺辭往雙峯曹侯溪故六祖時亦稱爲雙峯和尚所謂曹溪宗者是也宏忍旣傳能爲南宗又傳秀爲北宗其弟又各以其師爲六祖秀之弟子普寂爲七祖王縉大證禪師碑敘達摩歷傳至大通大通傳大照大通卽秀大照卽寂也後能宗衰而秀宗盛惟會以能門高弟直入東都與北宗相抗獨孤及三祖碑所謂曹溪頓門孤行嶺南秀公師弟兩京法主三帝門師帝王分座后妃臨席惟荷澤會公致普寂之門盈而復虛能祖宗風于斯不振者以此秀宗盛于開元會乃復于天寶至貞元十二年敕以會爲七祖

北宗至是遂無所聞矣會亦稱神會如即法如如之弟子爲惟忠即荆南張也文又云師初謁遂州繼謁荆南謁東京後謁華嚴觀觀即澄觀唐時所稱清涼國師我朝雍正十二年特封妙正眞乘禪師者也師本不識觀後遣人持書以門人禮通之觀答書有云伯牙絕絃仲尼傾蓋矧乎不面而傳意猶吾心其自作圓覺經序有云叨沐猶吾之納謬當眞子之印者即指其事文裴休撰其圓覺經論書前亦有休序傳次師事與此略同有沙門如山注云休先世名許元度因建越州塔未終後託梁武帝之孫蕭警警訪曇彥禪師爲入定觀明其宿因師云許元度來何暮昔日浮圖今如故後衆請師起龍興大殿師云非吾所爲三百年後當有非衣功德主來至唐三生爲休攷宋沈仁衷祇園寺舍利塔記文云云與此相合說雖近誕然相傳有其事

用以博異聞焉也可

畢氏關中金石記

永壽鄉經幢

佚 大中九年

陳鴻爲亡妻武氏建於永壽鄉姜村正書

長安縣志云在姜村今未詳所在矣

毛氏關中金石文字存逸考

劉某妻霍氏墓誌銘

佚 文見黃氏古誌石華

石佚不詳尺寸周邁撰文行書

全文見古誌石華誌云祔葬于萬年縣龍首鄉先常侍塋側

此石今藏渭南趙氏

毛氏關中金石文字存逸考

按此石今佚

薛志容尊勝陀羅尼經幢

大中十載

法門寺尊勝陀羅尼經幢

佚 無年 月

幢七面面七行行六十五字正書

右二幢寰宇訪碑錄云在扶風縣今均未詳所在矣

毛氏關字金石文

存逸致

劉蛻母姚夫人權葬石表

佚大中十一年毛氏關中金石文字存逸致

石佚未詳尺寸劉蛻撰文李坤正書蓋題唐姚夫人權葬石表八字亦正書

右唐劉蛻母姚夫人權葬石表舊出長安今未詳所在矣攷新

唐書藝文志劉蛻字復愚咸通中書舍人有文泉子十卷蛻爲

長沙人方唐時荆南每解選舉人多不成名號曰天荒大中四

年蛻領荆南府解及第崔鉉作鎮以破天荒錢七十萬資蛻蛻

謝書畧曰五十年來自是人廢一千里外豈曰天荒其事互見

見聞錄及唐摭言中又唐闕史云裴休尙古好奇嘗得古器曰

盎有大篆九字曰齊桓公會於葵邱歲鑄裴公寶之猶鍾瑛郃

鼎也一日設食會門弟子出器於庭則離立環觀迭詞以質獨

劉舍人蛻以爲非當時之物近世矯作也公不悅曰果有說乎
紫微曰某幼專邱明之書且載小白桓公九合諸侯取威定霸
葵邱之會第八盟又按禮經諸侯五月而葬同盟至旣葬然後
卒哭卒哭然後定諡則葵邱之役實生前不得以諡稱此乃近
世矯作也裴公恍然而悟命擊碎然後舉爵盡飲而罷懿宗咸
通時蛻官左拾遺懿宗晏遊無節又以宦者閤門使吳德應爲
館驛使蛻屢有諫諍均不聽後以論令狐淳事出爲華陰令是
蛻於當時非特有文名其氣節亦矯矯也全唐文劉蛻小傳云
蛻字復愚自號文泉子長沙人大中時擢進士累遷左拾遺中
書舍人忤宰相令狐綯出爲華陰令終商州刺史鳳枝以蛻於
唐時以氣節文章著新舊唐書均未立傳因哀其事迹見於他
書者附於篇以爲知人論世之助其石表文中字義難解者復

廟文

尙書省官石記序

佚文見王氏金石萃編

石久佚陳九言撰文張旭正書

右郎官題名石柱八面如幢式自左司訖膳部皆先郎中次員外郎姓名按唐宋之制六部皆隸尙書有吏戶禮居左兵刑工居右其敘遷則以吏兵爲前行戶刑爲中行禮工爲後行每部各領四司司名與部同者爲頭司餘爲子司二十四司之外別有左右司各置郎中員外郎皆稱郎官此柱所刻則左司及左十二曹也歐趙所載張長史書石柱記有文無題名蓋別是一碑久已不存此柱雖有殘闕亦僅十之一二合之御史臺題名一代清流姓名畧備未必非攷史之一助也

錢氏潛研堂金石跋

按郎官石刻有前記有後序有題名前記爲陳九言撰張旭正

書後序爲許孟客撰劉寬夫隸書皆別勒于碑題名不著書人刻于石柱記序立于都省廳壁題名石柱立于左右丞東廡記序碑石久亡戲鴻堂帖但得舊搨前記重摹上石董跋已云世無別本惟王奉常家有之則搨本之存亦僅矣今所存題名祇左丞一柱搨亦不全存者只七面內多泐字計其姓名可見者凡三千一百九十四人除去姓名不全者二百七十七人其全者有二千九百十五人內姓名再見者五百四十七人三見者一百四十人四見者二十六人五見者六人通共重見者七百十九人蓋一人兼歷別司則前後複出亦有在本司再任而複載者其姓名之在新舊兩唐書有傳者攷其歷官與碑合否又參以唐書宰相世系表及全唐詩小傳補兩書所未備凡有可攷者得五百七十六人餘一千六百廿四人則無攷矣大率兩

傳語畧多書其人最後之官故碑載歷官往往不見於傳然亦有傳載歷某郎而碑反不見者亦有傳載官某司而碑反在別司者又有傳載官郎中而碑反在員外者諸如此類或皆傳有記載之訛也今悉詳註於姓名之下無可攷者闕之所存闕本七面綜其官名若郎中員外全者曰吏部曰司封曰度支曰司勳曰倉部曰戶部曰金部曰左司若考功主客但有郎中而無員外若祠部但有員外而無郎中若司封左司郎中皆兩見參錯若此碑立於大中十二年所題姓名亦當終于是時溯其始則有在武德貞觀年者亦有起于高宗則天時者其各司所載人數多寡不齊其中最多者戶部員外有三百十二人郎中亦二百六十四人其次則吏部郎中員外俱二百餘人其餘率不過百餘人計自唐初以至大中立柱幾及二百四十年而各司

姓名祇此可知當時亦未全載也據前記斷斷自開元廿九年始往者不可及來者不可遺今題名則開元以前皆已追書當由大中立柱之年追攷開元以前之有姓名可記者哀集之故與前記之語不合所謂別是一碑者確矣攷諸司遷擢之制在京或由侍御史在外或由縣令或由掌書記內擢先員外而後郎中其由郎中升遷或給事中或中書舍人知制誥或外任刺史此遷轉之大凡也唐之設官以郎官爲清要一代名卿賢相未有不荐歷郎官者此所攷雖祇五百餘人而已可得其槩矣檢全唐詩有鄭谷者袁州人光啟三年擢第歷都官郎中嘗作中臺五題詩其一石柱即謂此題名也詩云暴亂免遺折森羅賢達名末郎何所取叨繼外門榮自注云外祖在南宮七轉名曹鏞記皆在谷之爲都官郎中當在昭宗時距立柱已四十年

其時正當四方兵戈俶擾之時而石柱無恙其都官鐫記皆在
是其亡在唐以後矣今此碑著錄家不多見即著錄者亦不加
詳考則但存其姓名殊無裨於考訂之用也茲編雖未能詳備
然可以廣史傳所不載而稽其異同則亦未爲無補云前記雖
不與石柱同列然爲題名之緣起因附錄其文陳九言兩書無
傳張旭則兩傳但稱其善草書此記正書徑寸餘歐公稱其眞
楷可愛而歷代名畫記又言其小楷樂毅虞褚之流則其工書
非沾沾一體者矣傳不言其歷官是無官位者故記但書其貫

吳郡

王氏金石萃編

按郎官石記刻於開元廿九年石柱題名建于大中十二年而
王述菴採錄其文謂爲石柱前記攷開元末年爲有唐極盛之
時豈有已刻記石而遺題名以待後人補刻之理且其文云咸

列名于次往者不可及來者不可遺則刻題名明矣蓋天寶以後兵燹頻仍石已殘毀至大中時踵前逸事特刊極大之石柱以期永久而許孟容又爲之序惜其文不傳無從攷其源委耳故謂此記乃題名之緣起可謂爲石柱之前記則不可合兩事而一之必牽強而難通然萃編旣以此記附之石柱以類相從可仍其舊

王公素墓誌銘

存 中文編錄
大 中 十 三 年

石高三尺一寸橫廣二尺三寸上下有花紋四寸三十二行行
三十一字陳練撰文史顧正書并篆蓋

唐故湖南監軍使正議大夫行內侍省內寺伯太原縣開國男食

邑三百戶賜緋魚袋太原郡王府君墓誌銘

并序

朝議郎試左

武衛率府兵曹參軍陳竦撰 登仕郎守歙州休寧縣主簿直翰

林院史顧書并篆 府君諱公素字全白京兆高陵人也其出自

并州太守通之後裔曰官南北遂以家焉曾祖諱簡祖諱瑤并志樂雲水高尚不仕父諱進皇奉天定難功臣雲麾將軍昭武校尉守右翊衛府中郎將上柱國公貌瓌偉性特達志躋經史博綜群書一覽無遺五行俱下秉貞節之志寒暑無移挺松筠之操嚴霜見質卓爾不群迥然孤立可謂五百之間生千載之一遇矣廣陵潛龍歷選嘉哲公得其人遂應清問永貞末隨駕宣徽其年賜祿授內侍省掖庭局監作上護軍四季賜緋魚袋內府局令歷弓箭右神策都判官尋拜十六宅使長慶二祀伏以兇渠作孽常山覆輿戎馬生郊戈鋌襲野壺開路絕薊北雲屯聖皇嚇怒大點天兵十道齊師戮力併銳遽命公充深州行營監軍使且賊勢憑陵重圍四合公乃施萬計之長策展百勝之籌謀布油設弩突壘攻營統領大眾以至下搏堅守方定鴻霈旋臨滌蕩兇首命公赴闕察

以敷條嘉歎良深爰遷品秩遂拜殿前高品旋加宣徽供奉官復
加正議大夫授內寺伯除湖南監軍到郡纔方二稔綏撫多方民
狎吏安兵士緝穆皇風遠布襲此嘉猷賞爵勳崇以明不昧天恩
授封太原縣開國男食邑三百戶九季准詔赴闕征帆越境纔屆
荆門風水是虞洎染疾療療方杖策履步經巡顧眄山原口然有
感曰伯玉知非如悔惜老莊子悲羊吾何已夫遂請罷官稅車休
息凡歷時景廿餘載於戲神不祐善疾疹所鍾沉歷綿疴以大中
十一年十二月廿九日終于大寧里私第享年七十有一嗚呼將
臨往也不昧生言訓子承家誠於儉約斯爲永固無惑前辭觀之
涕零孰不哀痛夫人樂安縣君高氏曹謝同儔芳蘭比德蓬頭殞
毀戚滅心糜有子六人長曰惟昌早亡次曰惟昇任武德都判官
掖庭局監作次曰惟乂大中十三年亡次曰惟質早亡次曰惟實

上柱國季曰惟贊任牛羊判官內僕局丞有女二人長適段氏次適劉門弟兄皆以孝悌承家恭勤王室奉先之教書銘紳心以大中十三年歲次己卯四月丁亥朔十四日庚子葬于京兆府萬年縣灊城鄉招賢里西崗懼陵阜之頽隳歲月巋遠謹勒斯石以爲之記銘曰 堂堂瓌貞烈烈貞臣佐國承命于斯一人宣命四朝光臨九有荒服咸若蠻夷稽首威儀肅肅口貞瓌瓌處之有道求福不回骨鯁忠亮蓋世貞姿比肩衛霍翊輔堯時其德可尊其仁可畏出入丹墀孰不欽仰助漢滅兇從魯下僚重圍旣適萬歲唐堯大道有晦我亦隨潮寄沒同蛻松檟蕭蕭 玉册官陳從諫刻字

按此石近時出土爲長安蘇氏購得什襲珍藏其蓋則毀棄矣

內寺伯袁公夫人王氏墓誌銘

大 中 十 四 年 董 氏 古 誌 石 華

石佚未詳尺寸王孟諸撰文正字

誌云窆于萬年縣灞陵之原案此石本出咸寧今未詳所在矣

毛氏圖中金石文字存逸

陀羅尼經幢

佚大中十四年

殘缺只二尺許字迹漫漶難稽正書

寰宇訪碑錄云在長安今未詳所在矣

毛氏圖中金石文字存逸考

劉氏尊勝陀羅尼經幢

咸通二年見王氏金石萃編

按幢題佛弟子彭城郡夫人劉氏爲亡夫造幢云云而贊語乃自云彭城夫人母儀欽則此當是男從實等爲父造幢尊其母遂題劉氏爲亡夫之語於前而贊詞則歸美于母也幢建于萬年縣澹川鄉鄭村里長安志萬年縣不載此鄉里惟云澹水在縣東北流四十里入渭又云長樂坡在縣東北一十里即澹水

之西岸十道志曰舊名澹坡此題云澹川鄉疑卽近長樂坡也

王氏金
石萃編

雙讚尊勝陀羅尼經幢

存通二年見王氏金石萃編

幢兩段合之高六尺七寸八分每面廣五寸八分各六行行七十餘字口程造前後兩龕正書今在省內臥龍寺

程修己墓誌銘

存通四年見黃氏古誌石華

石方一尺五寸三十分行三十餘字溫憲撰文男進思正書再思篆蓋蓋題唐故廣平程府君墓銘九字在西安府碑林

按程修己畫名盛著以陳夷行薦受知於文宗歷文武宣懿四朝凡三十餘年開成四年八月葬文宗元聖昭獻孝皇帝於章陵大中二年十一月葬懿安太皇太后郭氏於景陵皆奉詔書册工草隸筆跡幾與右軍相亂又與李商隱溫庭筠交遊時有沈約謝朓之目則固善書能詩藝兼三絕不獨擅長六法已也朱景玄唐朝名畫錄程修己列妙品第四冀州人祖大歷中仕

越州醫博士父伯儀少有文學畫東封圖爲時所寶修已兼工
寫真人物鞍馬花木草木鳥獸古賢士女真仙佛像山水竹石
與誌詳略互異又名賢畫錄大和中文宗好古重道以晉明帝
朝衛協畫毛詩圖草木鳥獸古賢君臣之像不得其真召修已
圖之皆據經定名任意採掇由是冠冕之制生植之姿遠無不
詳幽無不顯誌所謂畫毛詩疏圖藏於內府是也初勅處當即
昭憲二字全唐詩文宗題程修已竹障注云修已冀州人學周
昉畫嘗畫竹障於文思殿帝賜以詩朝士皆奉詔繼和與此誌
並合惟修已評畫於周張楊許皆有微詞後人以爲學昉殆非
所願耳又唐詩紀事全唐詩話並載文皇好詩大和中賞牡丹
上謂修已曰今京邑人傳牡丹詩誰爲首出對曰中書舍人李
正封詩天香夜染衣國色朝酣酒時楊妃侍上曰粧台前宜飲

以紫金盞酒則正封之詩見矣今紀事文皇誤作明皇詩話程修已誤作陳修已皆可據此證之集賢直院官唐六典集賢殿書院有書直畫直官爲直院開元十九年奏定太子春坊中舍人正五品上職擬中書侍郎親王府長史從四品上掌統理府寮紀綱職務誌云七爲王府長史題以榮王府者從最後書之餘不可考唐書宗室世系憲宗二十子榮王愔嗣王令平誌詳程氏先世而不及里居篆蓋題廣平程府君文宗詩注及名畫錄皆云冀州人廣平郡在唐乾元後爲洺州與冀州並屬河北道程修已當是洺州人本其舊望故稱廣平因屬禹貢冀州域故亦曰冀州修已卒於京師未歸葬誌沒於口國里國上刊一字宋敏求長安志朱雀街東第三街南有昭國坊即此里也杜荀鶴松窗雜記載開元中有程修已善畫爲玄宗誦牡丹詩開

元當是開成之誤玄宗當是文宗之誤溫憲庭筠子登進士第

光啟中爲山南從事

陸氏金石續編

此石今在西安府學碑林誌云修已以善畫名李商隱溫庭筠皆與之遊其名重一時可知矣撰文溫憲庭筠之子也文體雅潔有韓柳風格不愧飛卿之子全唐詩鈔小傳云憲庭筠子登第後爲山南從事詩鈔內錄其春鳩郊居五律二首詩致清麗能嗣其家風云進思楷法極有晉人筆意於黃庭玉版爲近惟石筆太畫細需得精拓本乃能精神畢露耳誌不言修已爲何

郡人篆蓋題云廣平程府君廣平程氏之郡望也

毛氏關中金石文字存逸

攷

按此誌陸氏金石續編黃氏古誌石華毛氏關中金石文字存逸攷均錄其文而各有不同毛氏辨之極詳然不能合諸石於

一處而精究之無從別其眞贋也

龍華寺窳塔波塔銘

成通五年 文見王氏金石萃編

石高一尺六寸五分廣一尺九寸五分二十二行行十八字高
碑通并正書在咸陽縣龍華寺

右窳塔波塔銘布衣高塘述并書案釋元應一切經音義云寶
塔諸經論中或作藪斗波或作塔婆或云兜婆或言偷婆或言
蘇偷婆或言脂帝浮都亦言支提浮圖皆僞略也正言窳觀婆
此譯云廟或云方墳此義翻也案元應以窳觀婆爲正此又作
塔譯音元無定字也窳塔波與塔即非二物此題云窳塔波塔
重複無當蓋唐人不知梵義者爲之耳予嘗謂古無塔字唯葛
洪字苑有之云佛堂也音它合反據元應所述諸文斗也兜也
帝也觀也皆與答聲相近釋教初入中國塔婆字本當爲答後
人增加土旁而稚川承之其音爲他合切者又即偷婆之轉聲

也 錢氏潛研堂金石文跋尾

嚴密墓誌銘

佚 咸通五年

全文未見 王茲文正書

會稽趙氏之謙續寰宇訪碑錄云此石在咸寧今未詳所在

毛氏

關中金石文
字存逸攸

編纂渭南武樹善